

明治
新刻

國史略

石村貞一編輯

三

11
531
三架函
七册
號

卷之三目次	
後醍醐天皇	後村上天皇
後花園天皇	後小松天皇
後光明天皇	後土御門天皇
北園天皇	後伏見天皇
北慶天皇	後醍醐天皇
北見天皇	後二條天皇
深草天皇	後宇多天皇
堀河天皇	後嵯峨天皇
河天皇	四條天皇
龜山天皇	後宇多天皇
龜山天皇	後宇多天皇
龜山天皇	後宇多天皇
龜山天皇	後宇多天皇
龜山天皇	後宇多天皇
龜山天皇	後宇多天皇
龜山天皇	後宇多天皇
龜山天皇	後宇多天皇
龜山天皇	後宇多天皇

第七百五十四號
共七册

5
6
7
8
9
10
11
12
13
14
15
16
17
18
19
20
21
22
23
24

始



11
531




書庫引繼之證

文部省普

國史略卷之序

圖書山長門



桐陰石村貞一編輯

紀元一千八百一十一年
即位

後堀河天皇諱茂仁高倉帝孫後高倉院第三子也神皇正統記

母北白河院藤原氏權中納言基家之女增鏡承久三年七月

踐祚于開院百鍊抄以前關白家實攝政補任○北條泰時

時房在六波羅鎮京師泰時居北方時房居南方將軍執權次第

兩六波羅是為始太平記○八月尊守貞親王曰太上法皇

歷代皇記○十二月即位于太政官廳時年十歲一代要記○太政

大臣公房罷以攝政家實為太政大臣補任○貞應元年壬午

春三月家實罷太政大臣○八月以內大臣藤原公經為

貞應元年

始置兩六波羅

國史略卷之三
島家樓藏

元仁元年
北條義時卒

太政大臣一代○二年癸未夏四月太政大臣公經罷補任○
 五月太上法皇崩諡後高倉院抄百錄○十二月以攝政家
 實為關白補任○元仁元年甲申夏六月鎌倉執權北條義時
 卒子泰時嗣為執權執權次第義時沈深有膽略外示謙遜內
 實陰狡嘗和田義盛之友也方與客棋報至終局而起更
 服適府指揮諸將遂破之自賴朝薨專執兵權廢置天子
 進退大臣國家大柄一歸于己至是為其近侍所刺殺保曆
 間○北條時氏時盛代鎮兩六波羅執權次第○是歲僧親鸞
 始倡一向宗諸宗開基表○嘉祿元年乙酉秋七月故將軍賴朝
 配平政子彥政子為人明決佐賴朝定天下為諸將士所
 畏服目曰尼將軍以其拜從二位又曰二位尼東鑑○十月

嘉祿元年
平政子彥

新制三十六條
安貞元年

寬喜三年
貞永元年
新救撰和歌集
成定家撰百人一首
頌式目五十條

下新制三十六條百錄抄○二年丙戌春正月以右近衛少將
 藤原賴經為征夷大將軍補任○安貞元年亥夏四月京師
 火延及大內明月記○是歲僧道元始倡曹洞宗諸宗開基表○
 二年戊子冬十二月關白家實罷以前攝政道家為關白補任
 ○寬喜三年辛卯秋七月關白道家罷以左大臣藤原教實
 為關白補任○貞永元年壬辰冬十月權中納言藤原定家上
 新救撰和歌集增鏡定家才思絕倫好作和歌嘗撰天智帝
 以下至當世和歌一百首書嵯峨中院障子明月記世謂之
 百人一首其日錄曰明月記○帝禪位於皇太子五代帝王物語
 ○是歲北條泰時頌式目五十條東鑑○文曆元年八月帝
 崩壽二十三帝資性寬仁政不苛酷百錄抄頗有藻鑑好學

每召對儒臣論談移刻凡百玩好未嘗留意遇嬪御恩眷均一無有濫幸其秉心類如此明月記葬于山城東山觀音寺一代要記

紀元一千八百九十二年即位

四條天皇諱秀仁後堀河帝之子也母藻壁門院藤原氏關白道家之女皇代記十二月即位時年二歲百鍊抄以關白左

嘉禎元年

大臣教實攝政補任教實與將軍賴經皆道家子道家又以帝外祖威權隆赫朝野傾心焉五代帝王物語○嘉禎元年乙未春

曆仁元年

正月攝政教實薨以前關白道家攝政明月記○三年丁酉春三月攝政道家罷以左大臣藤原兼經攝政王業○曆仁元

延應元年

年戊戌春閏二月盜竊晝御座劍帝王編年記○秋七月以前左大臣藤原良平為太政大臣○延應元年己亥春正月太政

仁治元年

大臣良平罷補任○仁治元年庚子冬十二月以攝政兼經為

太政大臣平戶記○二年辛丑冬十二月攝政兼經罷太政大

臣補任○是歲僧圓爾歸自宋會參議菅原為長于太政大

僧圓爾與菅原為長問答

臣兼實第為長世儒常欲折圓爾兼實曰今日兩雄相遇勝敗可決圓爾曰我法授受自世尊五十五世達摩以來

二十七世雖強弩之末猶以系受得稱釋氏以釋例儒恐

亦當然不知公於孔子幾世為長不能應退謂人曰我欲

以道義相角彼以世系陷我矣藤原道家創東福寺圓爾

居焉正和中謚聖一國師國師之號始此元亨釋書○三年壬寅

春正月帝崩壽十二歷代皇記帝幼冲嬉戲官廊塗滑石未欲

令嬪御顛仆而調笑之返自誤倒犬遮繞吠之人以為不

國師號之始

祥亡幾帝崩五代帝葬于山城泉涌寺皇年代

後嵯峨天皇諱邦仁土御門帝第七子也一代母贈皇太后

紀元一千九百〇二年即

源氏贈左大臣通宗之女百鍊抄仁治三年正月四條帝崩

無後修明門院及前攝政道家欲立順德帝皇子忠成王

諸鶴岡宮探籌

神皇正統記北條泰時意在立土御門帝後詣鶴岡宮探籌亦

協於是決意遣秋田城介安達義景於京師翼戴帝即夜

踐祚增鏡後中記以攝政兼經為關白補任○三月天皇即位于

太政官廳○關白兼經罷以左大臣藤原良實為關白增鏡

泰時卒

○六月北條泰時卒孫經時嗣為執權東鑑泰時資性謙謹

不喜登顯位在職十八年政平訟理衆庶樂業正統初泰

僧高辨談治本

時在京師訪梅尾僧高辨高辨曰治國猶治病也不察其

寬元二年

原而藥焉徒益病耳治亂之因在人之欲公苟寡欲以率

之治可幾矣泰時難之高辨曰公正心未有形直而影曲

政正而國亂者也泰時大悅服膺其言數年風化大行明惠

傳及卒都鄙無貴賤若喪父母焉百鍊抄○寬元二年甲辰夏

四月大將軍藤原賴經辭職以其子賴嗣為征夷大將軍

年甫六歲補任○四年丙午春正月關白良實罷以左大臣藤

原實經為關白一代○帝禪位於皇太子百鍊抄文永五年

十月薙髮法名素覺帝王編九年二月崩壽五十三一代

帝性溫柔仁而愛物既賴北條氏之推戴不敢自專朝廷

大事皆仰成鎌倉五代帝脫屣後二皇子相踵臨祚帝聽

政院中殆三十年矣特屬意龜山帝欲使其胤了承續大

後深草龜山二帝之後迭承皇統

統神皇正統記立後宇多帝居東宮後北條時宗建議立伏見帝為後宇多帝太子自是後深草龜山二帝之後迭承皇統朝廷益弱矣梅松論火葬地奉安御骨於淨金剛院皇年代畧

紀元一千九百〇六年即

後深草天皇諱久仁後嵯峨帝第三子也增鏡母大官院藤原氏太政大臣實氏之女百鍊抄三月天皇即位時年四歲以

位

關白實經攝政要記以前右大臣藤原實氏為太政大臣

經時卒

補任閏四月北條經時卒弟時賴為執權葉黃記七月前大將軍藤原賴經為北條時賴所逐歸京師初時賴從父

光時有寵于賴經密謀代時賴襲其職賴經亦預其謀至是發覺時賴流之伊豆東鑑相模守時賴嘗召大佛宣時

青砥藤綱

相模公司天下之直

寶治元年

時已深夜時賴手一壺酒曰欲與子共之顧安所得有照紙燭索于度觀碟有殘醬取而佐酒其儉薄如此徒然其用人不拘門地嘗擢青砥藤綱藤綱微者也奏為左衛門尉為引付眾有公文者與北條氏封人爭畔而訟眾皆畏時賴曲公文獨藤綱直之公文德之欲有所報夜苞錢投其後圃而去藤綱大怒曰相模公司天下之直直公文乃直相模公公宜見報是何外也郵送其錢嘗夜行遺十錢於水中乃買炬照水撈之炬直五十錢或曰得不償失藤綱曰五十錢吾失人得十錢誰得之者我取六十錢以益於世不亦可乎聞者歎服太平記○十二月太政大臣實氏罷以前內大臣源通光代之補任○寶治元年丁春正月攝

浦泰村伏誅

政實經罷以前關白兼經攝政要代○夏六月三浦泰村等圖滅北條氏北條時賴擊破之泰村自殺先是泰村之弟光村護送賴經至京師臨別涕泣潛有欲迎復之志及還其意益切密運致私邑器仗泰村知而不禁時賴外祖安達景盛與泰村爭權相惡因告其有異志率族兵攻之時賴亦遣兵擊之泰村兵不能支光村慷慨曰嚮從關白密旨早決事則我族將專軍政何有今日乎舉族自殺關白謂道家也東鑑○二年戊申春正月太政大臣通光罷補任○建長元年己酉冬十月定沽價法百鍊抄○是歲北條時賴創建長寺於鎌倉問中抄宋僧道隆來居焉弘安中益大覺禪師禪師之號始于此元亨釋書○三年辛未冬十月藤原為家

建長元年

禪師号之始

續後撰和歌集

上續後撰和歌集拾芥抄○四年壬子春二月北條時賴廢大將軍賴嗣送還京師初前將軍賴經憤為時賴所廢集兵京師事未發賴嗣遣長久連等誘諸將士佐佐木氏信縛送之於時賴時賴紮問得其情乃廢賴嗣奏請以後嵯峨皇子宗尊為主帥東鑑○四月以三品宗尊親王為征夷大將軍百鍊抄○十月攝政兼經罷以左大臣藤原兼平攝政歷代皇記○十一月攝政兼平為太政大臣要代○五年癸丑秋七月下新制十八條百鍊抄○十一月攝政兼平罷太政大臣以前太政大臣實基復任○是歲僧日蓮始倡法華宗問中抄○六年甲寅春二月太政大臣實基罷○十二月以攝政兼平為關白補任○康元元年丙辰冬十一月北條時賴有

新制十八條

康元元年

國史略

卷之三

六

馬

正元元年

疾削髮時賴素信禪宗粗通大旨嘗創最明寺至是退居
 養病以子時宗幼冲令族長時代為執權東鑑○正元元年
 未冬十一月帝禪位於皇太弟皇代正應三年二月剃髮
 法名素實嘉元二年七月崩壽六十二歷代帝孝友和順
 脫屣之後每侍後嵯峨法皇宴遊必從愉色婉容承意不
 違增鏡藏御骨於法華堂伏見帝御中陰

龜

山天皇諱恒仁後嵯峨帝第六子後深草帝同母弟也五代

紀元一千九百二十年即

帝王十二月即位時年十一百鍊○是歲自春及夏諸國

弘長元年

疾疫餓殍盈道歷代○弘長元年辛酉夏四月關白兼平罷

以前關白良實復任補任○十二月以前左大臣藤原公相

時賴卒

為太政大臣歷代○三年癸亥冬十一月北條時賴卒年三

文永元年

十七時賴用意政事嘗寫貞觀政要一部上將軍賴嗣東鑑
 及解職微服周遊四方問民疾苦察冤枉增鏡故郡國主宰
 自奮勵風化大行及卒士庶悲慟薙髮者多太平記○文永
 元年甲子秋七月鎌倉執權北條長時罷○八月北條政村
 代執權執權○二年乙丑夏四月關白良實罷以左大臣藤
 原實經為關白補任○十二月權大納言藤原為家上續占

續古今和歌集

今和歌集本書○三年丙寅秋七月大將軍宗尊親王為北
 條時宗所逐還京師立其子惟康王為征夷大將軍年僅

三歲增鏡先是僧良基嚴慧等親近宗尊謀滅北條氏事泄

良基奔高野山絕食而死嚴慧亦亡命於是時宗為此廢

立東鑑○四年丁卯冬十二月關白實經罷以左大臣藤原基

蒙古求通好

萬卷樓藏

萬卷樓藏

平為關白傳攝關○五年戊辰春二月蒙古因高麗求通好高

麗奉書附使獻方物朝議草答書時宗以蒙古書辭不遜

卻其使五代帝王物語○三月錄倉執權政村罷相模守北條時

宗代之次執權○十一月關白基平薨○十二月以左大臣

藤原基忠為關白補任○六年己春蒙古使兵部侍郎黑的

禮部侍郎殷弘元史奉書來求答書對馬嶋拒而不納蒙古

虜嶋人二人去五代帝王物語○秋九月令高麗送還二人關東評定

傳○八年辛未秋九月蒙古使秘書監趙良弼元史與高麗使

俱來求通好寫國書進之朝議欲答書草示錄倉時宗不

可令太宰府逐還良弼等吉續○十年癸酉夏五月關白基

忠罷以前右大臣藤原忠家為關白攝關○十一年甲戌春

蒙古又求通好

紀元一千九百三十五年
即位

後宇多天皇諱世仁龜山帝第二子也皇代母京極院藤原

氏左大臣實雄之女歷代皇紀三月即位於太政官廳時年八

歲以關白忠家攝政要代○六月攝政忠家罷以左大臣

藤原家經攝政補任○十月蒙古兵三萬來攻對馬守護代

宗助國戰死之遂攻壹岐守護代平景隆戰死之日蓮注

虜悉殺二嶋男子虜女子縋穿掌繫船外進寇筑前掠沿

蒙古兵寇對馬

正月帝禪位于皇太子歷代皇紀正應二年九月薙髮法名金

剛眠法皇外紀嘉元三年九月崩壽五十七要代帝禪位之後

聽政院中者十餘年弘安中蒙古來寇帝深憂之御書願

文奉大神官祈以身代國難增鏡火葬分藏御骨於淨金剛

院法華堂南禪寺金剛峯寺增鏡文應皇紀

建治元年

蒙古改号元

新元使

始置筑紫探題

海諸邑燒箱碕祠。太宰府兵力戰不利。八幡愚童訓既而關東評定傳

少貳景資射殺賊將劉復亨。元史虜軍夜逃。鎮兵進擊不及。獲船一隻一百二十人。斬之。八幡童

○建治元年。乙亥。夏四月。蒙古改國号曰元。遣其臣杜世忠何文著等至長門室津。關東評定傳

○八月。以前右大臣藤原通雅為太政大臣。補

○九月。北條時宗斬元使杜世忠何文著等五人於鎌倉。減公私費用。權停京師大番兵。選武幹士分遣鎮西諸國。以備元寇。評定

○冬十月。攝政家經罷。以前關白兼平代之。補

○十一月。北條時宗以北條實政為九州探題。以備元寇。帝王編

○二年。丙子。春二月。太政大臣通雅罷。○冬十二月。以攝政兼平為太政大臣。補

○是

弘安元年

續拾遺和歌集

元兵大舉來寇

草野七郎燒虜船

歲僧遍始倡時宗。遍初村上帝時有僧空也。周遊諸州。以念佛為業。扶桑至是一遍亦經歷天下。勸化時人。世謂之遊行上人。遊行

○三年。丁卯。夏四月。攝政兼平罷。太政大臣。○弘安元年。戊寅。冬十二月。攝政兼平為關白。補

○藤原為氏上。續拾遺和歌集。敷撰

○禁車服僭侈。增

○二年。己卯。夏六月。元將夏貴范文虎等遣部將周福變忠等諭以通好。時宗斬之於博多。評定

○冬十月。時宗遣兵筑紫。備元寇。帝王編

○四年。辛巳。夏五月。元兵大舉來寇。以高麗人為前導。蔽海而至。我兵拒之。壹岐對馬不利。益徵兵。諸道會太宰府。歷代

○六月。元兵據五龍山。薄平壺。北條實政督兵壓岸。而軍部將草野七郎夜襲燒虜船。殺獲千餘人。

河野通有獲虜將

大風敗虜艦

時宗卒

虜悉聚其船鐵鎖聯之設弩其上官兵不得近河野通有以輕舸奮前矢中左肩通有益前仆橋架虜艦登之殺數十人獲一虜將安達次郎大友藏人踵進虜終不能上岸退保鷹嶋愚童訓○秋七月二十六日會持戒僧數百口於石清水宮限七日夜誦尊勝陀羅尼轉讀大般若經歷代皇記

○閏月朔大風有黑雲覆石清水宮有白羽鳴鎗出宮而西去增鏡虜艦為颶風敗壞少貳景資等奮擊殲之愚童元訓兵十萬得生還者僅三人元史元不復窺我邊時宗之力也

○七年甲中夏四月北條時宗卒子貞時嗣為執權執權次第○八年西夏四月以前關白左大臣基忠為太政大臣補任○十月北條貞時攻殺安達泰盛滅安達氏泰盛以貞時

天皇受真言奧秘

外祖為評定衆與貞時家宰平賴綱相軋賴綱譖之於貞時曰泰盛子宗景自謂曾祖景盛實賴朝子因有異心貞時遂攻滅之賴綱無復忌憚無何謀反伏誅一代要記併曆間記○十年丁亥秋八月關白兼平罷以左大臣藤原師忠為關白○太政大臣基忠罷補任○冬十月帝禪位於皇太子皇代記

德治二年七月薙髮法名金剛性延慶元年正月灌頂東寺受真言奧秘於仁和寺僧禪助築一堂于大覺寺側謝絕人事覃思密教增鏡躬為大阿闍梨神皇正統記後使皇子性圓法親王住大覺寺承傳真言之流增鏡正中元年六月崩年五十八一代要記紹運錄帝好學博涉衆藝時論謂帝文學亞於後三條帝神皇正統記葬山城蓮華峯寺皇年代

紀元一千九百四十八年
即位
正應元年

伏見天皇諱熙仁。後深草帝第二子也。歷代母玄輝門院藤原氏左大臣實雄之女。皇代○正應元年戊子春三月即位。

於太政官廳伏見院御記○二年己丑夏四月。關白師忠罷。以右

大臣藤原家基為關白。○秋八月。以準大臣源基具為太

政大臣。○九月。關白藤原家基辭右大臣。補任○冬十月。大

將軍惟康親王為北條貞時所逐歸京師。以皇弟久明親

王為征夷大將軍。初貞時聞惟康親王有滅北條氏志。遽

廢之。倒載網代輿送還。世曰將軍流於京師。執權次第增鏡○三

年庚寅春三月。盜夜入禁內。伏誅盜問官女上所在。女給之

曰。在南殿。盜赴之上。實在中官。乃女裝避。春日殿宿衛捕

盜。盜上紫宸殿自殺。刻其箭曰。太政大臣為賴。為賴稱淺

將軍流於京師

盜入大內

親政事

永仁元年

鷹司氏之祖

原八郎甲斐源氏。以兇悍聞。所佩刀前參議藤原實盛刀也。因拘實盛父子於六波羅。增鏡初帝之立也。非龜山上皇之意。及有為賴事。世以為上皇所使。上皇甚不安。賜誓書。北條貞時以申理焉。事乃寢。異本太平記○太政大臣基具罷。

補任○天皇始親政事。帝王編年記○四年辛卯夏五月。關白家基

罷。以左大臣藤原忠教為關白。○冬十二月。以前內大臣

藤原實兼為太政大臣。○五年壬辰冬十二月。太政大臣實

兼罷。○永仁元年癸巳春二月。關白忠教罷。以前關白家基

復任。補任○二年甲午秋八月。前關白太政大臣兼平薨。歷代

稱稱念寺。是為鷹司之祖。增鏡○四年丙申夏六月。關白家基

罷。○秋七月。以左大臣藤原兼忠為關白。一代要記○六年戊戌

定御宇之年數

紀元一千九百五十九年即位

正安元年

秋七月帝禪位於皇太子。皇代記正和二年十月薨。髮法名素融。文保元年九月崩。壽五十三。帝王編年記初天皇為北條時宗所援立。因與時宗子貞時謀立。後伏見帝後。宇多上皇讓其違先帝詔。貞時遂議定。使後深草龜山二帝之後。送立限以十年。終馴致元弘之亂。神皇正統記火葬於深草。附御骨於後深草帝法華堂。伏見帝御中陰記

後伏見天皇諱胤仁。伏見帝第一子也。母准三宮藤原氏參議經氏之女。神皇正統記冬十月即位。時年十一。天祥禮記初伏見上皇論北條貞時龜山帝在位之日。每切齒承久之事。立其後。非卿家之利。貞時乃立帝。關白兼忠攝政。補任○十二月攝政兼忠罷。以左大臣藤原兼基攝政。○正安元

菩薩号之始

五上皇

紀元一千九百六十二年即位

年。己亥夏六月以前內大臣藤原公守為太政大臣。○冬十月。公守罷。○十一月以攝政兼基為太政大臣。○二年庚子夏五月攝政兼基罷。太政大臣補任。○秋閏七月賜西大寺僧叙尊号。興正菩薩。皇代記賜菩薩号。始于此。○冬十二月以兼基為關白。補任。○三年辛丑春正月帝禪位於皇太子。一記太子長於帝三歲。時後深草龜山後宇多并前後伏見共五上皇。上皇之多。自古所未有也。元弘三年六月帝薨。髮法名理覺。後改行覺。延元元年四月崩。壽四十九。皇代記火葬於嵯峨野。奉安遺骨於深草法華堂。皇年代畧記

後二條天皇諱邦治。後宇多帝第一子也。母西華門院源氏內大臣具守之女。神皇正統記三月即位。時年十七。天祥禮記

乾元元年

嘉元元年
新後選和歌集

德治元年

○夏六月以前內大臣源定實為太政大臣補任○秋八月錄倉執權北條貞時罷北條師時代執權次第○是歲元兵寇薩摩子敷嶋吉續記○乾元元年壬寅秋七月太政大臣定實罷○冬十一月以右大臣藤原公孝為太政大臣補任○嘉元元年癸卯冬十二月藤原為世上新後選和歌集昇尊○二年甲辰春三月太政大臣公孝罷○三年乙巳夏四月辰分關白兼基罷以左大臣藤原師教為關白補任○北條宗方矯大將軍久明親王命殺北條時村尋伏誅保曆同記○德治元年丙午冬十一月以前內大臣藤原實家為太政大臣補任○三年戊申秋八月大將軍久明親王為北條貞時所逐還京師立其子守邦王為征夷大將軍歷代皇紀○天皇崩于高

紀元一千九百六十八年

延慶元年

應長元年

師時卒

花園

倉殿壽二十四歷代皇記天皇即位之日右近衛中將藤原家定奉御劔倒授內侍世以為不祥增鏡葬于北白河殿要記花園天皇諱富仁伏見帝第三子也神皇正統記母顯親門院藤原氏左大臣實雄之女歷代皇紀八月踐祚於東洞院殿以關白師教攝政補任○延慶元年戊申冬十一月攝政師教罷以左大臣藤原冬平攝政補任○即位於太政官廳時年十二一代要記○二年己酉冬十月太政大臣實家罷以前內大臣藤原信嗣為太政大臣○三年庚戌冬十一月信嗣罷以攝政冬平為太政大臣○應長元年辛亥春三月以攝政冬平為關白○夏四月冬平罷太政大臣補任○秋九月錄倉執權北條師時卒族基時貞顯連署行事以貞時子高時猶幼

貞時卒

也。執權○冬十月。北條貞時卒。執權貞時慕尚時賴之風。

辭職之後。躬被僧衣。游歷四方。訪民疾苦。時前內大臣源

通基。蒙譴於後宇多上皇。屏居京南。貞時過其居。問故。通

基告以實。貞時曰。盍告諸鎌倉。申理。通基曰。彰君之非。以

伸己之枉。我不忍也。貞時還。竟奏復其爵邑云。太平道平

為關白。補○是歲。鎌倉執權基時罷。北條高時代執權。執

次○文保二年。戊午春。二月。帝禪位於皇太子。曆代建武二

年。十一月。薙髮。法名遍行。皇年代正平三年。十一月。崩。壽

五十二。帝好學。善和歌。國大深好禪法。以僧妙超慧玄為

師。捨花園離宮。為妙心寺。居慧玄。創一室於其側。号玉鳳

院。徙御之遺像。尚存焉。妙心寺葬山城十藥院山上。國大

文保二年

妙心寺

紀元一千九百七十九年即位

後醍醐天皇。諱尊治。後宇多帝第二子也。母談天門院藤原

氏。參議師繼之女。延慶元年。八月。花園帝踐祚。時後三條

帝。皇子邦良。當立為儲嗣。後宇多法皇曰。朕有所思。宜先

立尊治。次及邦良。神皇正統紀立為皇太子。至是即位。時年三

十一。後宇多法皇臨萬機。增○八月以前。內大臣藤原實

重。為太政大臣。○十二月。關白道平罷。以內大臣藤原內

經。為關白。○元應元年。己未冬十月。太政大臣實重罷。以前

內大臣源通雄。為太政大臣。補○二年。庚申夏四月。權大納

言藤原為世。上續千載和歌集。增○元亨元年。辛酉冬十二

月。法皇還政。復記錄所。親聽訟。神皇正統紀廢諸新關。特存大

津葛葉二關。太平帝留意政治。日與公卿及儒臣。討論經

元應元年

續千載和歌集
元亨元年

僧玄慧始倡程朱之說

史增鏡僧玄慧以才學聞召侍讀先是經筵專用漢唐諸儒注疏至是玄慧始倡程朱之說云尺素往來○二年壬申夏六月大旱米價躍貴乃詔減膳使檢非違使別當源親房喻都下富戶發糶置場監賣太平記○是歲陸奧人安藤堯勢與族季長爭邑而訟北條高時皆賂其宰長崎高資高資兩納之不決二人怒據邑叛高時遣兵擊之不克保曆間記○三年癸亥春三月關白內經罷以左大臣藤原房實為關白○夏五月太政大臣通雄罷○冬十一月以前關白冬平為太政大臣補任○正中元年甲子秋九月北條高時殺土岐賴兼多治見國長於京師執中納言藤原資朝藏人藤原俊基等送于鎌倉先是帝常有討北條氏之意與資朝俊基

正中元年

無禮講

謀陰援賴兼國長等每會議脫衣冠縱酒結其歡心稱曰無禮講又憚外議令玄慧講韓文事覺訊俊基無禮講俊基曰吾文臣不知佗唯知玄慧講文是文禮講謬傳為無禮耳高時怒謀廢立帝遣中納言藤原宣房諭解高時賜誓書而事得釋增鏡太平記○冬十二月關白房實罷以太政大臣冬平為關白歷代皇記○二年乙丑冬十二月藤原為定上續後拾遺和歌集拾芥抄○是歲北條高時放藤原資朝於佐渡釋藤原俊基還京師增鏡太平記○嘉曆元年丙寅春三月皇太子邦良薨常樂記○北條高時疾高時喜田樂纏頭費每以萬數一夕高時獨醉舞有十餘倡來歌以助之姬人闕之倡皆異類歌曰不見天王寺妖靈星乎歌終而去獸

續後拾遺和歌集
嘉曆元年

圓顯滿朝

越部氏越智氏起兵

咒咀比條高時

跡滿座高時醒無所見已而有疾長崎高資勸其削髮讓職於金澤貞顯高時弟泰家愠其不讓已亦削髮高時病起欲誅貞顯貞顯自髡謝之諸將爭傲之圓顯滿朝高時頗不平高資密令長崎高賴誅之高資覺捕高賴流之內外憤怒攝津渡部氏大和越智氏皆起兵高時命吏擊之不克太平記○秋七月立後伏見皇子量仁親王為皇太子

歷代先記先是天皇欲選諸皇子立之比條高時執兩宗迭立之議天皇遣使依後嵯峨帝遺詔責讓高時高時遂不奉詔天皇益憤志梅松論○二年丁卯春正月關白太政大臣冬平薨○二月以前關白道平復任補任○召僧圓觀文觀等于內祈中官產安實咒咀比條高時增鏡○三年戊辰冬十二

大塔官元德二年

元弘元年地大震

月以曾雲法親王為延曆寺座主天台座主記親王帝第三子也天資穎敏帝鐘愛之初欲為太子高時拒之因使親王削髮補座主以收結僧徒居大塔世稱大塔官太平記○元德二年庚午春正月關白道平罷以右大臣藤原經忠為關白補任○夏四月盜殺大判事中原章房時帝謀滅比條氏章房諫帝恐語泄使人陰殺之○五月比條高時捕僧圓觀文觀等處流以其喻密詔咒咀比條氏也太平記○秋八月關白經忠罷以左大臣藤原冬教為關白補任○元弘元年辛未秋七月地大震富士山崩數百丈太平記○六波羅兵就禁內執右中辨藤原俊基送于鎌倉毛利家本後伏見法皇亦密遣使於鎌倉告變高時大聚諸將吏問計衆莫

一階堂貞藤諫言

敢言高資曰主上親王流之公卿黨者斬之如此而已勿再貽悔也。二階堂貞藤諫曰北條氏世尊王室惠下民所以執國命幾乎百六十年也今已執公卿又欲遷帝王如天道何苟使我而無讐朝廷何能為高資作色曰迂腐之論何陳於今日公獨不知承久之事乎高時從之。○八月北條高時遣二階堂貞藤等率兵三千至京師尊雲法親王謀知高時將行廢立遽奏之其夜帝奉神器駕婦人車逃幸笠置山使大納言藤原師賢服御衣詐稱帝赴叡山僧徒大喜來集增鏡六波羅鎮將北條仲時北條時益謂帝猶在官中也遣兵索之不獲則收大納言藤原宣房等四人而去聞車駕在延曆寺遣兵攻之尊雲法親王督僧徒

幸笠置山

夢南木

楠正成畫策

破之辛碯其夜僧徒知非真天子悉散去師賢奔臨行在太平記時帝在笠置四方勤王之師未至帝憂迫適夢紫宸殿南有大樹樹下設虛位二童子來迎帝座之既覺自念木從南楠也當有稱楠者出扶朕即召僧問之對曰金剛山之西有楠正成者正成之父嘗憂無子禱志貴山而生焉少字多聞長以材武名嘗平土寇以功為兵衛尉帝曰是也使中納言藤原藤房往召正成正成從藤房詣行在帝使藤房言曰討賊之事朕一以託汝因命座問計正成感激對曰天誅乘時何賊不斃東夷有勇無智如較於勇舉六十州兵不足以當武藏相模較於智乎則臣有策焉雖然勝敗常也不可以少挫折變其志陛下苟聞正成未

高時以皇太子稱帝于京師

並置陷

死也。則母復勞宸慮，乃拜辭還城于赤阪。○尊雲法親王奔奈良。○時益仲時犯行在。太平記 ○九月北條高時以皇太子稱帝于京師。毘沙門堂所藏記 ○賊將大佛貞直、足利高氏等率大軍逼行在。未至而並置陷。判官代錦織俊政、飛彈守石川義純等死之。天皇徒步突圍而出。師賢藤房等扶行。三日夜欲幸赤阪為追兵所執。元弘日記裏書 ○備後人櫻山茲俊築一宮城起義兵。太平記 ○冬十月六波羅兵奉天皇幸宇治。御平等院大佛貞直等請傳神器于新主。天皇使藤原藤房宣敕曰：神器歷朝相承，親所受授。雖時或有亂，臣未聞恣相與奪。且璽鏡遺之，並置獨有寶劍自隨。若欲強得之，朕將親用之。貞直無復所奏。又請幸六波羅，敕備

幸宇治

授新器

圖赤阪城

鹵簿儀仗而後幸。光明寺藏書殘編 復請傳神器，乃授以新器。神 ○大佛貞直等圍赤阪城，城纔成，取農粟充糧。馬兵僅五百人。正成分其三百，以弟正季、族和田正遠將之出城，算山而踈。東軍東軍肉薄攻之。正成令士卒齋射，立斃千餘人。東兵沮卻，卸甲且息。伏兵自左右起，正成以二百騎闢門突出，三面合擊。東軍大敗走。且日東軍復圍城。正成投大石巨材，殺七百人。東軍修改具蒙楯而進，鐵鉤鉤垣，垣殆崩。正成令城兵人執長柄杓沃沸湯，敵焦爛而退。東兵於是築營環城為持久計。而城內餘五日食。正成謂眾曰：吾先天下舉大事，固不圖生。雖然，天子在焉，吾未可以死也。吾今佯死，敵則去。去則復起，使彼疲奔命，是全驅以

正成佯死

遷天皇於隱岐

高德題詩

京師改元

復赤阪城

亡敵之術也。衆曰：善。乃鑿坑，填尸，以薪蔽之。乘風雨，夜稍稍逃出入。金剛山留一人，誠曰：度我遠，而舉火，火起，賊爭上城。見坑中積尸，謂正成既死也。引兵東去。櫻山茲俊聞行在陷，自殺。太平記 ○二年，壬申春正月，高時欲諷天皇，令薙髮，獻僧衣。天皇卻之。太平記 ○三月，高時遷天皇於隱岐。梅論：備前人兒嶋高德，候車駕于塗，將奉天皇討賊，不成，夜入御館，白淺樹，書之曰：天莫空，勾踐時非無范蠡。天皇視之，欣然，心知有勤王者也。太平記 ○四月，車駕至隱岐，御國分寺。高時令佐木清高監護。增鏡 ○京師改元正慶。皇年代畧 ○楠正成復赤阪城，率兵徇和泉河內。○五月，正成與六波羅兵戰，四天王寺大敗之。太平記 ○高時殺參議平成

築千劔破城

赤阪城陷
吉野城陷

圍千劔破城

輔中納言藤原資朝、右中辨藤原俊基等，貶遷大納言藤原原師賢、權大納言藤原公敏、參議藤原季房、中納言藤原藤房、僧聖尋、俊雅等。補任常樂記 ○是冬，楠正成築千劔破城。增鏡 ○尊雲法親王還俗，更名護良。梅松論 築吉野城。赤松則村奉護良親王，令起兵，播磨築荅繩，以絕山陽山陰兩道。太平記 ○三年，癸酉，北朝正慶二年春二月，高時遣阿曾時治圍赤阪。大佛高直圍千劔破，二階堂貞藤圍吉野。赤阪城兵力拒殺傷過當，賊絕其水道，城遂陷。○閏月，吉野城陷。村上義光死之。護良親王走高野山。時治貞藤併兵圍千劔破，稱八十万。正成以千餘人拒之。賊兵四面仰攻，呼聲動天地。正成令士卒投大石，隨亂射之，無復虛箭。賊軍監高資

令十二史記死傷三晝夜不闕筆乃令諸軍勿復薄城時
 大旱賊將高直議曰叢爾山巔不容有水得非乘夜出汲
 乎前攻赤阪絕水而克此計可襲也遣名越越前守守東
 溪久之毋出汲者正成瞰其倦怠夜出兵擊走之奪其幟
 而還旦日樹之壁上呼曰此名越公所贈有公徽号焉我
 無所用願奉還之名越慙悉舉族薄城城兵投巨木仍射
 殺四千人賊畏憚休戰築長圍環守正成乃作藁人數十
 被以甲冑羅之城外昧爽鼓譟誘賊賊競集於藁人城兵
 投巨石立死八百餘人賊又造雲梯攻之正成令投大炬
 燒雲梯梯中斷陷壑焚死者數千人會土兵奉護良親王
 令絕賊糧道賊兵大困赤松則村出自昔繩徇山陽道進

築長圍

作藁人

造雲梯

義軍並起

天皇發隱岐

千波港

舟上山

詔討北條高時

屯攝津摩耶山與賊兵戰敗之先是伊豫人土居通治得
 能通言起義兵與長門探題北條時直戰大敗之至是所
 在義軍並起兵勢大張太平記○高時懼有奪駕者益嚴防
 備而衛士稍歸心於天皇天皇夜使侍姬賜酒中門番直
 衛士富士名義綱義綱密致誠款勸天皇潛幸出雲伯耆
 之間天皇乃遣義綱往諭其族出雲守護鹽冶高貞曉天
 皇潛出宮源忠顯從之途聞不知所嚮有一人負天皇至
 千波港適得商舟御之佐佐木清高迅楫追之天皇與忠
 顯俱隱船底至伯耆名和長年奉迎造行宮於舟上山聚
 兵衛護元弘日清高率兵三千來犯長年擊卻之義綱與
 鹽冶高貞等率兵來歸乃下詔諸國討北條高時太平記於是

山陽山陰南海西海兵士並起勤王梅松論○三月天皇遣

源忠顯率兵東上兒嶋高德等從之與赤松則村會攻六

波羅伯耆○菊池武時起義兵討九州探題北條英時不

克死之太平記○夏四月北條高時遣名越高家足利高氏

率兵援六波羅赤松則村擊高家斬之先是高氏竊納款

至是遂歸順太平記○五月源忠顯足利高氏赤松則村併

兵攻六波羅北條仲時時益奉新主及後伏見花園二上

皇東奔時益伏誅官軍收復京師梅松論○忠顯得神鏡於

權大納言藤原公宗北山第安之禁中皇年代畧記○按

江仲時敗死獲新主二上皇及所授劍璽○大佛高直等

足利高氏歸順

收復京師

新田義貞舉義兵

北條高時伏誅

中駕發舟上山

解千劍破圍走奈良○上野人新田義貞奉護良親王令

舉義兵關東豪傑爭先響應兵凡十萬分為三軍三道

攻鎌倉賊大兵據海岸樹柵兵艦列其南以備傍射義貞

乃下馬免胄向海拜曰天子為逆臣所遷越在西海臣義

貞不忍坐視提兵討賊伏願海神眷臣忠義退潮以開道

因釋所佩金裝刀投之海中比曉潮大退舟艦皆漂去義

貞大喜麾眾進直入府中乘風縱火烟焰漲天義貞縱兵

鏖戰高時舉族遂伏誅太平記征夷大將軍守邦親王雉

髮紹運自源賴朝開府至是百七十餘年而鎌倉亡矣神

正統記義貞乃馳使奏捷行在○二十三日車駕發船上山

大和守金持景藤執旗為左伯耆守名和長年帶劍為右

鹽冶高貞前驅朝山義連後拒左近衛中將藤原行房勸解由次官藤原光守文服其餘文武百官戎衣扈從太平記

○六月楠正成將兵七千至兵庫謁見天皇勞慰之以其衆前導還京師廷臣百官奉迎神皇正統記時議或疑當

用重祚之禮左大臣藤原道平奏言陛下雖在外久躬奉神璽臣以為宜用巡狩還宮之儀制可增鏡車駕還宮紹運錄

去正慶號悉創新主所署官爵廢關白特詔左大臣藤原道平右大臣藤原經忠參輔庶政增鏡正統記以護良親王拜

征夷大將軍補任親王知足利高氏有異志請誅之不許太平記○詔召還尊良親王尊澄法親王及僧圓觀文觀等保曆

○七月斬阿曾時治大佛高直等十五人太平記○詔諸

創新主官爵

賜足利高氏偏諱

置決斷所

內敕與外議抵牾

國休士卒勸課農桑野上八月足利高氏賜名尊氏為武

藏常陸下總守護新田義貞上野播磨守護子義顯越後守護脇屋義助駿河守護楠正成攝津河內守護赤松則

村播磨守護尋奪則村職授以佐用莊補任置決斷所議賞軍功使權中納言藤原實世司之旬月僅定二十餘人以

多失當罷以中納言藤原藤房代之覆審而內降得賞者已多藤房知不可諫乃稱病不朝代以民部卿藤原光經

內旨又以北條高時邑為供御以泰家邑賜護良親王大佛貞直邑給內侍三位局其餘官闈倡妓以內降多受地

雖軍功論定無地可頒內敕與外議抵牾往往數人爭一邑所在武人頓失勢被奴虜使天下囂然復思武門之治

王政維新

建武元年

始用楮幣

獻天馬

○九月。二階堂貞藤圖不軌。伏誅。太平記 ○冬十月。遣皇子

義良。出鎮東邊。准大臣源親房輔之。以參議源顯家為陸

奧守。詔曰。古者皇子皇孫及大臣。皆親臨戎。方今王政維

新。不宜分文武為二途。遣往守爾藩屏。神皇正統記 ○十二月。

詔號廢主為太上天皇。皇年代略記 ○以成良親王為上野大

守。出鎮鎌倉。以左馬頭足利直義為相模守。輔之。神皇正統記

○建武元年。甲春正月。營大內。以安藝周防租賦充費。徵

諸國地頭歲入二十分。始用楮幣。太平記 ○立恒貞親王

為皇太子。元弘日記裏書 ○二月。詔鑄新錢。文曰乾坤通寶。建武三年

○五月。出雲守鹽冶高貞獻千里馬。帝大悅。呼為大馬。

群臣皆賀。中納言藤原藤房曰。由時多批政。天或將生。尤

藤房

幽護良親王

親王許寃

物。以蕩君心也。伏願陛下裁玩物志。而留心仁政。帝不懌。

太平記 ○十月。藤原藤房棄官而去。時帝方事興作。耽於宴

遊。藤房屢諫之。不聽。藤房謂為臣之道於我盡矣。徑入北

山巖藏為僧。補任帝大驚。命父宜房索之。將再任用。宜房至

巖藏。則藤房既去。太平記 ○禁大將軍護良親王於馬場殿。

初。足利尊氏惡親王威名。密結帝寵姬藤原氏。謀排陷焉。

而親王不察。輒欲除尊氏。密徵兵。尊氏得其機。上變。誣以

謀反。藤原氏自傍贊之。帝怒。伏甲召親王。執之。誅其親臣

三十餘人。親王憂憤。上書曰。臣夙憤武臣專恣。釋法服。被

戎衣。寧受世譏。而為君父忘軀。在廷臣子。莫敢効力。而臣

獨張空拳。以抗強敵。賊之耳目。集於臣身。購臣以萬戶。臣

地窖

北條時行攻鎌倉

晝伏夜行。匿山谷。踐霜雪。殆死而復生者數。焦思運籌。遂得底誅夷之績。而不圖獲罪於此。仰將訴天。日月弗照。不孝之子。俯將哭地。山川弗載。無禮之臣。父子義絕。乾坤共弃。臣不敢復有望於世也。儻宥死刑。削籍歸佛。臣終身毋悔。抑申生死。而晉國亂。扶蘇刑。而秦世傾。聖明盍延古以鑒。今焉。淨隕心惜。不終所欲。言書入。莫敢奏達者。○十一月。流護良親王於鎌倉。使足利直義監之。直義幽之地窖。太平記 ○是歲以上野大守成良親王為征夷大將軍。職原抄 置關東廂番。奧州評定衆。掌治其方事。建武二年 ○二年。乙亥。夏六月。權大納言藤原公宗謀反。事發。伏誅。尊卑分脈 ○秋七月。北條時行招聚餘黨。攻鎌倉。足利直義拒戰。大敗。時行

弑護良親王

乘勝進。直義召淵邊義博曰。時行不足患。可患者護良親王。宜來。此時除之。義博往窺。窞中。護良方焚燭誦經。顧而蹶起曰。女欲殺我耶。前奪其刀。義博斫其膝。踏之。跨胸刺。吮護良縮首。齧其鋒。鋒折。拔二刀。刺心。二乃絕。年二十八。義博欲以首示直義。見其不瞑。而含鋒。弃去。直義奉大將軍成良親王西走。梅松論 ○時行入鎌倉。○八月。足利尊氏請自將討時行。許之。又請任征夷大將軍。管領關東。不許。更為征東將軍。正統 尊氏不辭而發。至駿河。與直義合擊。時行走之。進入鎌倉。詔遣藏人頭源具光召還之。不奉詔。保曆間記 ○冬十月。尊氏自署征夷大將軍。關東管領。據鎌倉。反。賞有功。納降附。收新田氏邑。在關東者。割予將士。

足利尊氏反據鎌倉

保曆間記

陳尊氏八罪

將士爭附之。詔奏新田義貞移書西道諸國發兵以擊義貞為名。義貞乃上書自辨。陳尊氏八大罪。太平記 ○十一月。詔奪足利尊氏等官爵。補任以中務卿尊良親王管領東國。賜節刀于左兵衛督新田義貞。率脇屋義助。宇都宮公綱。菊池武重。鹽冶高貞等從之。由東海道。元弘日記裏書 彈正尹忠房親王。權中納言藤原實世等。由東山道鎮守府將軍源顯家奉義良親王發陸奥出羽兵會于鎌倉。同討尊氏。尊氏遣兵逆擊。矢矧。義貞連戰破之。太平記 ○十二月。義貞進至箱根。脇屋義助奉尊良親王與賊戰于竹下。不利。左近衛中將藤原為冬死之。鹽冶高貞大友貞載叛降賊。官軍敗績。退屯尾張。赤松則村久下時重等爭起應賊。天皇賜

討尊氏

鹽冶高貞叛

赤松則村等應賊

延元元年

天馬於使者召還義貞。天馬途斃。尊氏躡官軍後西上。梅松 論太平記 ○延元元年。丙子春正月。敕義貞守大渡。諸將分拒山崎。宇治。勢多。藤原師基守峯堂。久下時重等攻峯堂。師基敗走。時重進據老坂。江口行義擊走之。尊氏攻大渡。細川定禪。赤松範資攻山崎。官軍敗走。宇都宮公綱。大友氏泰降賊。義貞還京師。天皇奉神器及法皇幸叡山。諸將從之。細川定禪陷京師。放火烧宮闕。尊氏入京師。結城親光伴降賊。刺尊氏不克死之。細川定禪據園城寺。以逼行在。元弘日記裏書 ○源顯家奉義良親王率兵入援。與義貞攻園城寺。拔之。欲收兵。舟田經政曰。兵利在乘勢。賊兵一敗。魄褫氣沮。我因躡之。乘勝連進。可以獲其渠魁也。義貞曰。然。即以

尊氏入京師

恢復京師

尊氏航海西走

圍白旗城

三萬騎追擊大破之。尊氏迫蹙欲自刃者三。義貞還屯京中。其夜賊反襲義貞敗退。阪本東山道官軍還至。諸將議戰。夜下山陣。旦日楠正成源顯家分路進戰。又大破之。義貞獨變服入賊中。索尊氏不獲。分兵追之。賊西走。收復京師。太平記○二月。顯家義貞正成等追擊至兵庫。尊氏狼狽航海而西。諸將士多降。義貞義貞頗驕息。耽溺女色。不復窮追尊氏。○車駕還宮。進義貞左近衛中將。以義良親王為陸奧太守。源顯家為鎮守府大將軍。職原抄○三月。足利尊氏等至筑紫。菊池武敏攻尊氏于多々良濱。不克。○詔義貞管領山陽山陰十六國。討尊氏。義貞會疾。遣江田行義等擊赤松則村於室山。敗之。義貞尋發圍則村於白

翻覆論旨

圍三石城

正成奏意見

旗城。城壁未成。則村詐遣之書。願州守護以圖報効。義貞喜為請。詔旨往反旬餘。詔至而壁成。則村還詔書不受。曰：守護已獲之於將軍矣。何以此翻覆論旨為。義貞大恚。圍之。太平記○夏四月。脇屋義助與兒嶋高德夾攻舟阪。拔之。進圍三石城。遣大江田氏經據福山城。徇下美作諸城。○五月。尊氏大舉東上。至嚴嶋。會僧賢俊奉廢主書至。尊氏大喜。令諸將立錦旗。遠近競附。自率舟師七千餘艘。直義將陸軍二十萬。陷福山城。大江田氏經敗走。義貞義助解圍。退軍兵庫。備後守兒嶋範長與赤松則村兵戰。死之。範長高德父也。賊軍乘勝而進。義貞飛書告急。朝廷震動。乃詔楠正成往援。義貞正成奏曰：賊鋒甚銳。不易禦。陛下復

正成誠正行歸河內

賊軍艦蔽海而至

幸叡山召還義貞。縱賊入京師。而臣歸河內。絕其糧道。夾而攻之。可一戰而破也。願朝廷再計之。參議藤原清忠固執不可。正成與弟正季子正行辭闕。而西至櫻井驛。使正行歸河內。正行時年十一。正成誠之以討賊。因授以帝所嘗賜寶刀。正行揮淚而去。正成至湊川。義貞迎問曰。朝議如何。曰。吾欲召還卿。奉駕叡山。不聽也。義貞曰。驅敗卒當銳師。吾知其必敗耳。顧去歲敗於關東。今復未拔一城。何以復命。吾故欲決死一戰。正成曰。進退從。宜是謂。良將公且徐計之。且前。殪高時。後攘尊氏。公功多矣。衆言何足恤哉。義貞色釋。旦日尊氏兵艦蔽海而至。而直義來自須磨。旌旗彌天。正成與弟正季突入。直義軍七離七合。欲獲直

捕正成戰死

義貞敗走

車駕幸叡山

尊氏入京師

名和長年戰死

義直。義馬傷。而墮。官兵垂及。一賊將遮鬪。而逸之。尊氏亦分兵來援。包官軍後。正成兄弟回馬當之。血戰十六合。盡亡其騎。正成入路傍民舍。與弟正季偶刺而死。賊海軍既悉。上陸。義貞迎戰。不利。走馬殪。而徒。賊環射之。義貞揮二刀。截十六箭。小山田高家望見。還救。授其馬。留死。義貞因得脫。歸京師。帝又奉神器。幸叡山。法皇廢主稱疾留京師。尊氏進入京師。元弘日記裏書。○六月。尊氏遣兵犯行在。參議源忠顯。少將藤原雅忠戰沒。義貞等進攻京師。不克。伯耆守名和長年死之。梅松論常樂記。○尊氏奉法皇廢主豐仁親王於東寺。皇年代畧記。○秋七月。權大納言藤原師基率北國兵入援。官軍又振分遣諸將。發畿內兵。斷賊糧道。賊窮困。義貞

尊氏立豐仁親

王稱帝

乃出戰帝親臨勞軍剪所御紅裳分賜之以為立識義貞
 臨發白曰勝敗天也雖不可逆睹今日之戰所不送箭尊
 氏營者毋復生還矣以二萬騎行破賊軍終抵東寺執弓
 注箭呼尊氏曰天下擾亂雖曰皇統之爭抑由公與義貞
 而已與其為一身苦萬民寧各以單騎相鬪決雌雄即發
 箭箭入尊氏帳中尊氏不出時諸軍皆敗賊兵悉萃義貞
 義貞奮戰破之賊復四合義貞額中流矢淋血被面乃返
 馬首欲決死紅笠識者八百騎來救之擁義貞而歸太平記
 ○八月尊氏立豐仁親王稱帝于京師是為光明院號用
 建武歷代○九月尊氏令足利高經扼北陸道佐佐木高
 氏絕近江糧道脇屋義助數攻近江不克官軍大困太平記

尊氏伴降

車駕歸京師

皇太子入金崎城

天皇幸吉野

賊圍金崎城

○冬十月尊氏伴請降邀車駕于京師天皇許之敕新田
 義貞奉皇太子恒良及尊良親王經略北陸道太平記車駕
 還京師御萃山院皇年代尊氏置兵監衛悉奪從駕朝臣
 官爵拘諸將士皇太子至越前入金崎城○十一月尊氏
 迫請傳神器于新主以新造器授之曆代○十二月天皇
 潛幸吉野楠正行和田正朝等率兵迎衛太平記○造行官
 于吉野神皇正統記○詔新田義貞以北國兵經略京師越前
 人瓜生保起兵杣山推式部大輔脇屋義治為將足利高
 經分兵攻之保擊走之○二年丁丑○北朝建武四年春正月皇太
 子在越前金崎城足利高經高師泰等以大兵圍之義貞
 遣子義顯脇屋義助往杣山招援兵里見時成以兵五千

金崎城陷

尊良親王自殺

攻鎌倉

救金崎師泰遣兵二万逆戰諸將敗走時成與瓜生保等死之○三月金崎城中日望杣山援不至已而糧竭食馬馬盡無可食者賊候知之四面齊登城兵力竭不能戰城遂陷由良具滋長濱顯寬說義顯使人奉皇太子逃杣山尊良親王自殺義顯以下殉之皇太子為賊所獲護送京師太平記○是夏宗良親王起兵遠江井伊城○秋八月鎮守府將軍源顯家奉義良親王入援與足利義詮戰利根川破之神皇正統記先是北條時行奏請討足利尊氏自贖詔許之○冬十二月宇津宮公綱新田義興北條時行等率兵會顯家進攻鎌倉足利義詮出走義興義顯弟義詮尊氏子○是冬新田義貞保杣山與足利高經相持太平記○

男山之役

尊氏弑皇太子

三年戊寅○北朝曆應元年春正月顯家與諸將西上與賊將土岐賴遠桃井直常戰于青野原敗之○二月顯家與高師泰戰敗之進屯奈良三刀屋文書難太平記又與桃井直常戰于四天王寺敗績走河內李花集○義貞拔越前城高經走足羽城○三月顯家軍和泉其弟顯信軍男山高師直圍之元弘日記○夏四月尊氏弑皇太子及成良親王初賊執太子也書裏○義貞兄弟所在太子給曰昨自殺矣其兵火之賊乃押送太子於尊氏傳義顯首而不問義貞義貞及拔諸城尊氏大怒曰太子給我至此遂鳩殺之○五月顯家與師直戰于界浦死之○六月詔新田義貞援男山義貞遣脇屋義助赴援太平記○七月師直放火烧石清水宮石清水顯國祿記

藤嶋戰

新田義貞戰死

信彙男山走河內。元弘日記裏書○勝屋義助至，敦賀聞男山陷，班師與義貞合兵，攻高經。高經結平泉寺僧徒修藤嶋以下七寨守之。○閏月義貞分兵為七議，以當七寨。藤嶋兵擾動，官兵因疾攻，不能拔。義貞望見，遽以五十餘騎赴之。遇賊兵三百，矢下如雨，官兵無楯，以身蔽義貞。中野宗昌勸義貞獨身遁逃，義貞曰：「失士而獨免，非吾志也。」鞭馬且進，馬被箭殪，義貞欲起，有白羽箭中其額，乃拔刀自刎而死。年三十八。賊未知其何人也。見宗昌等環尸自殺。又檢尸得錦囊書，書辭曰：「討賊之役，朕一煩卿，蓋帝手書，乃知其義貞也。」太平記○令新田義興北條時行奉宗良親王經略東國。李花集結城宗廣奏請曰：「陸奧地可敵海內之半，是

黑丸城戰

以三年間兩次入援，皆資其力。官及其民心未變，撫為朝廷用。朝議然之。以源顯信為鎮守府將軍，奉義良親王往鎮焉。源親房結城宗廣從之。並由海路。太平記○九月遇颶風，船四散。親王與顯信至篠嶋，親房至常陸。宗廣至安濃津。宗廣以不得夷賊，憤懣成疾卒。元弘日記裏書○四年。已卯○應二春三月，義良親王還吉野。正統記○秋七月，勝屋義助攻足利高經于黑丸城，破之。高經奔加賀。太平記○八月，帝不豫，立義良親王為皇太子。禪位而崩于吉野。行在壽五十二。吉野拾遺帝天姿英毅，博通書史，篤信釋氏。即位之初，留心政事，置記錄所，躬攬庶務。及元弘兵興，蒙塵數年，遂復太位。後狩吉野。正統記臨終，以元兇未殄，為恨，遺命薄葬。務

圖恢復朕身雖瘞南山而神常望北闕若有墜命者子匪繼體臣乖蓋忠言訖左把法華經右按劍以崩群臣亦奉其言不改服御北面葬于大和藏王堂之塔尾太平記

後村上天皇諱義良初名憲良後醍醐帝第八子也母新待賢門院藤原氏右中將公廉之女夢抱日有身遂生帝神皇正統記

紀元一千九百九十九年即位

八月受禪於左大臣藤原經忠第吉野拾遺○九月北國諸城皆陷○十月即位於吉野行宮時年十二開城書中

納言藤原隆資權大納言藤原實世對掌機務太平記○畑時能與足利高經戰伊地山死之時能武藏人材武絕人

每戰未嘗敗屢立戰功從脇屋義助唱義北國累破高經兵至是中流矢而死○興國元年庚辰○北朝曆應三年春三月以

興國元年

脇屋義助卒

井伊城陷

職原抄成

脇屋義助為刑部卿赴伊豫總督南海西海諸軍先是義助與土岐賴遠等戰根尾城敗績詣吉野詔勞獎之進官

爵會伊豫官軍請將帥遂救遣之官軍大振太平記○五月

脇屋義助病卒諸城皆復為賊有尊卑分脈○是歲高師泰陷

井伊城宗良親王奔越後戰國修行日記裏書○二年辛巳○北朝曆應四年

春二月准大臣源親房上職原抄關城書裏書○夏六月高師

冬攻源親房源顯時於小田城親房擊卻之結城文書○冬十

一月小田治久降高師冬源親房走關城源顯時走大寶

城請援於結城親朝親朝通款賊不肯出兵親房貽書讓

以大義不聽關城書結城文書○四年癸未○北朝曆應二年秋七月旱○

關大寶城陷源親房等走至吉野別府文書結城親朝降足利

尊氏結城文書 ○六年乙酉○北朝貞和元年 兒嶋高德、萩野朝忠迎式

部大輔脇屋義治于上野起兵，朝忠與山名時氏戰，敗績

遂出降，義治高德入京師，謀襲尊氏，事敗走信濃太平記 ○

正平二年丁亥○北朝貞和三年 秋九月，河內守楠正行在金剛山

漸保聚義，故欲收復京師，與細川顯氏戰于譽田林，破之

○冬十一月，又邀擊顯氏及山名時氏於瓜生野，大破之

國大曆太平記 ○三年戊子○北朝貞和四年 春正月，高師直師泰將兵八

萬入寇，正行與弟正時率諸宗族詣行宮，因中納言藤原

隆資上奏，請得一拜天顏而行，帝揭簾臨視，將士前正行

勞之，曰：曩日兩捷，大殺賊勢，甚慰朕心，朕以女為股肱，女

其自愛，正行俯伏垂泣而出，辭訣後醍醐帝廟，題族黨百

正平二年

高師直以兵八
萬入寇

楠正行題和歌
於廟壁

四條畷戰

四十三人姓名及和歌於廟壁，然後上途，帝使隆資援之，賊軍至四條畷，分為五隊，四隊在前，左右相向，而師直中軍遙居其後，正行使隆資綴賊前軍，而自將三千騎直指其中軍，賊前隊馳而遮之，正行以先鋒擊破，而過賊隊，又至，與後軍戰，後軍終敗走，正行不顧，以三百騎直前，賊將遮鬪，正行盡破之，乃聚其騎馬，皆重傷，乃舍馬踞隴而餉，賊兵環視不敢迫，正行餉畢，起謂衆曰：必與師直決死，進衝其中堅，賊軍披靡，正行進逼，師直，師直臣僞稱師直死，正行大喜，拋首于空，而手承者三，既而有告其實者，正行投頭于地，蹴且罵曰：汝亦無雙國賊也，復進逼師直，相去數步，正行勉衆前進，賊連射之，正行身被箭如蠅，乃呼曰：

正行戰死

崇光院立

兩御所

賴遠環射乘輿

已矣勿為賊所獲與正時相刺北向而斃年二十一太平記

師直遂犯行宮帝幸穴生避之楠正儀與師泰相持石川

國太○冬十月光明院讓位於太子興仁是為崇光院昭

曆○四年巳丑北朝貞和五年秋八月足利尊氏令弟直義薙髮

放上杉重能畠山直宗於越前先是北朝拜尊氏為征夷

大將軍直義為副將軍稱曰兩御所初尊氏擁立光明帝

陽尊之每事奏聞及官軍諸將相尋戰沒大得其志不復

稟敬肆割膏腴賞功臣或奪公卿食邑雖供御闕乏不顧

至朝貴務學東人語以計免侮謗土岐賴遠嘗途遇光嚴

上皇不下馬前驅叱曰院也賴遠曰院耶犬耶犬則應射

之令環射乘輿折輓截輻去直義論罪賴遠伏誅武人相

高師直圍幕府

足利直義歸順

謂曰院且下之即遇將軍將手行耶高師直以尤多軍功

為尊氏信任為幕府執事與直義相軋重能直宗亦疾之

乃附直義直義欲除師直伏兵召之兵有為師直耳目者

因知其謀脫歸召師泰於石川直義使人要說援已師泰

不肯與師直合兵數萬入京師圍幕府請斥直義等尊氏

慰喻聽其請師直使人潛殺重能直宗尊氏召義詮於鎌

倉代執政以其弟基氏代鎮鎌倉高師冬上杉憲顯為執

事○五年庚寅北朝觀應元年夏六月足利直冬叛其父尊氏起

兵鎮西○冬十二月足利直義上書行在請歸順許之命

討尊氏時師直欲擊直冬慮直義圖後欲殺之而行直義

奔大和請歸順大納言藤原實世曰致先帝播越王室艱

直義攻尊氏

尊氏與直義和

難者皆由此兇豎。今窮迫來降。非其本心。宜斬之。左大臣藤原師基准大臣源親房以為得大援興復可期。乃納其降詔圖北伐。畠山國清棄石川圍。桃井直常起兵。越中皆應直義。○六年辛卯。北朝春正月。足利直義進據男山。桃井直常據叡山。夾攻京師。時尊氏與師直討直冬。在備前合兵而還。與義詮俱攻直常。直常敗走。而將士多叛。尊氏與師直奔播磨。義詮奔丹波。太平記 ○上杉能憲起兵。上野應官軍。攻高師冬於甲斐。殺之。常樂記 ○二月。石堂賴房攻尊氏於書寫山。破之。直義遣兵援賴房。與尊氏戰於御影濱。大敗之。尊氏入松岡城。將自殺。會饗場氏直至。勸與直義和。遂還京師。高師直師泰伏誅。初師直師泰屢立功。

二高伏誅

直義復叛
赤松則祐歸順

專橫時方大亂。親王公卿多流離者。師直乃畧其子女為妾。妾有數十。嘗讒殺鹽冶高貞。欲奪其妻。師泰嘗與別弟發菅原氏墳墓。聞參議菅原在。登出怨言。密使人刺之。世莫敢言。及尊氏兄弟和二高。不知所出。欲削髮降。藥師寺公義勸其戰死。不聽。欲航海東投。師冬會甲斐人來告。上杉憲顯起上野。應直義擊師冬。師冬終走甲斐。為諏訪氏所攻殺。二高愕然。遂削髮被笠。蔽面東走。比濟武庫川。三浦叱師直曰。何物比丘。敢爾蔽面奪笠。觀面曰。是也。薙刀斫之。師泰望見欲走。吉江鎗刺之。師直子師夏等皆被殺。太平記 ○足利直義畠山國清復叛。東寺長者補任 ○秋七月。赤松則祐歸順。請奉征夷大將軍陸良討足利尊氏。聽之。太平記

尊氏義詮降

足利義詮廢崇光院奉正平號

○八月足利尊氏請降不聽。國大○冬十月尊氏及義詮復請降許之詔討足利直義初尊氏與直義外和而內不諧直義欲廢義詮已復執政尊氏勉從之石堂賴房桃井直常等恃勢橫恣仁木賴章細川賴春等疾之各引還國賴房直常亦不自安奉直義北歸與尊氏相拒近江敗而東奔尊氏欲追擊恐官軍乘虛佯乞歸順帝亦佯許之於是尊氏東伐與直義戰于薩陞山敗之直義走鎌倉尊氏追擊入鎌倉。天正本○十一月足利義詮請車駕還闕詔許之義詮廢崇光院及太弟直仁去觀應號奉正平號。皇紀○十二月敕左近衛中將源具忠收新劍璽鏡送行宮。皇紀以前左大臣

尊氏殺直義

車駕至男山

藤原師基為關白。補任源親房準三官其餘賞從駕群臣有差。太平記○崇光院所署關白藤原良基以下公卿百僚皆詣行宮敕降官爵各一等。補任○七年。壬辰○北朝春二月尊氏藥殺弟直義○車駕發行宮百僚戎衣從之。國大使兒嶋高德由良信阿奉密旨赴東國發新田氏兵伐尊氏於鎌倉。太平記○閏月車駕至男山楠正儀和田正忠等以河內紀伊兵源顯能以伊勢兵皆會義詮令細川顯氏賴春拒之止儀等擊敗顯氏斬賴春義詮走近江。法皇迎光嚴光明崇光三院及直仁親王於男山尋徙之東條。皇代○新田義宗義興脇屋義治等與尊氏戰武藏破之襲基氏鎌倉走之義宗奉征東將軍宗良親王與尊

赤松則祜復叛

天皇衝圍南出

幽三院

氏戰。笛吹嶺。敗績。走越後。喜連川系圖 ○三月。義詮據東山源。顯能退軍。男山。赤松則祜叛。降義詮。義詮復入京師。太平記

○夏四月。義詮犯男山。顯能正儀與和田正忠防戰。佐羅科賊放火。民舍攻之。官軍不利。國太曆 ○五月。正儀正忠還河內。募兵。正忠病卒。正儀未至。賊急攻男山。帝親擐甲御馬衝圍南出。賊前後來逼。權大納言藤原隆資等三百餘人死之一。官有種逼帝。藤原康長擊路之。至水津。賊又圍而射之。矢及御鏡。康長單騎防戰。忽有兵百餘來擊。賊走之。帝達行宮。宗良親王與新田義宗桃井直常吉良滿貞自東北。上居通治。得能通言自西南共赴難。聞男山陷。皆途還。太平記 ○六月。幽光嚴光明崇光三院及直仁親王於

義詮立彌仁親王稱帝

山名時氏歸順

足利直冬降

官軍收京師

尊氏復還京師

穴生。國太曆 ○秋八月。足利義詮立彌仁親王稱帝于京師。是為後光嚴院。皇紀 初後醍醐帝以偽器授光明院。及亂又亡。衆議無神器不可踐祚。關白藤原良基曰。尊氏劍也。良基璽也。何不可遂立之。國太曆 ○九月。山名時氏其子師義起兵。伯耆馳使歸順。太平記 ○冬十一月。足利直冬亦降。國太曆 ○八年。癸巳 ○北朝。夏六月。詔楠正儀和田正武等助時氏攻京師。足利義詮奉新主。走近江。官軍收京師。太平記

○七月。義詮與赤松則祜逼京師。時氏引還。伯耆諸將亦退。義詮入京師。皇年代 ○九月。尊氏奉新主還京師。東寺

長者 ○九年。甲午 ○北朝。夏四月。准大臣源親房薨。常樂寺

親房具平親王後。大納言師重子家稱。北畠以博聞聞嘗

神皇正統記成

官軍又收京師

尊氏又入京師

讀司馬光通鑑有感著神皇正統記三子顯家顯信顯能
 並勤王事顯能孫世領伊勢每屬官軍分脈○十二月足
 利直冬山名時氏奉詔討尊氏桃井直常足利高經並應
 之攻京師尊氏奉新主走近江歷代皇紀○十年乙未○北朝
 春正月直冬等入京師○二月救遣大納言藤原隆俊等
 助直冬據男山尊氏以近江兵據叡山細川賴之舉南海
 兵援義詮義詮時在播磨山名時氏擊之神南山敗績○
 三月直冬與尊氏戰京師敗退保男山義詮絕直冬糧道
 直冬時氏直常高經等各引還尊氏義詮復入京師國太曆太
平○秋八月聽光明院還京師皇年代○征東將軍宗良
 親王起兵信濃諏訪仁科等應之○十一年丙申○北朝

足利高經叛

足利尊氏卒

島山國清殺新田義興

春止月足利高經叛降尊氏國太曆○十二年丁酉○北朝
 春正月聽光嚴崇光二院及直仁親王還京師紹運錄○是
 歲光嚴院從僧順覺雲遊四方而時人始莫之知也行歷
 當時戰爭地多所慙慨及抵紀伊川有危橋不可輒渡躊
 躇久之會武人數輩踵至訶叱排帝墜水順覺投身掀而
 出之扶入野亭更衣至高野山太平記○十三年戊戌○北
 年夏四月足利尊氏卒義詮嗣足利系圖○冬十月新田義興
 募兵武藏上野島山國清使竹澤良衡江戶堯寬誘殺之
 矢口初良衡堯寬佯降願奉以為將義興許之從親信十
 餘人至矢口渡良衡堯寬鑿舟柁之伏兵岸側義興比至
 中流舟人抽柁逸去舟將沈伏兵悉起義興大罵曰咄為

筑後河戰

車駕入金剛山

賢子所欺。七世必讎汝。遂自盡而死。太平記 ○十四年。已亥北
朝延文 四年。秋七月。肥後守菊池武光奉征西大將軍懷良親
 王。與賊將少貳賴尙。戰于筑後河。大破之。初武光攻筑紫。
 探題一色直氏走之。賴尙與大友氏時降。既而叛。作九塞。
 武光擊悉拔之。○八月。又討賴尙。大戰于大原。破之。賴尙
 走保寶滿嶽。中納言源顯信。權大納言藤原親弘等死之。
太平記 ○十一月。畠山國清舉關東兵二十萬。西上。與足利
 義詮合兵。犯行宮。車駕遷自天野。入金剛山。御觀心寺。大
曆太 ○十五年。庚子。春正月。補正儀和田正武。城
平記 赤阪。修龍泉龍門。平岩八尾。岩分兵守之。○夏四月。畠山
 義深攻龍門山。大納言藤原隆俊擊破之。救陸良親王率。

陸良親王叛焚穴生行宮

仁木義長歸順

吉野兵。赤松氏範。後之陸良叛。通賊。火穴生行宮。龍門陷。
 帝遣前關白師基討之。陸良氏範敗走。○閏月。諸將皆陷。
 ○五月。畠山國清合軍攻赤阪。和田正武夜斫賊營。不利。
 退保金剛山。○秋七月。正儀攻水速城。拔之。山名時氏攻
 赤松貞範。拔其六城。仁木義長歸順。義長賴章弟代兒為
 執事。與佐佐木道譽。細川清氏等相軋。道譽因結畠山國
 清除之。國清亦疾義長專擅。誣其通南朝。遂還兵攻之。義
 長謂義詮曰。諸將以臣為名。以作亂也。義詮然之。因以義
 長兵自衛。道譽夜入見義詮。勸其逃。觀變乃出。與義長晤
 話。義詮出自後門奔嵯峨。比曉覺之。衆潰。義長走伊勢。諸
 將奉義詮還。義長至是降。○八月。官軍競起。京師騷擾。人

國清餓死

皆歸咎國清。國清時以狐皮蔽膝，時人為之作狐媚歌，唱者滿衢。國清懼，逃東歸，後為基氏所逐，至京畿餓死。是歲旱飢，疾疫流行，道殣相望。○十六年辛丑○北朝康安元年秋七月，山名時氏降，美作八城，但馬人長信綱、阿保信禪應時氏兵勢大振。○九月，楠正儀和、田正武擊佐佐木秀詮氏，詮于攝津斬之。太平記○冬十月，細川清氏歸順。後愚昧記先是清氏代義長執事，佐佐木道譽又忌害之，激之使反。又譖其有異圖，義詮信之，出居外，召兵自備。清氏使人自辨，不聽，乃走若狹，從討之。清氏遂南走，奏曰：足利氏兵西拒，時氏東備，義長臣請乘其空虛，京師可復。楠正儀曰：元弘以來，官軍五復京，而不能守，力不繼也。今欲取京師，臣一人

細川清氏歸順

官軍又收京師

力可辨，不必待清氏，唯恐已取復失，宜養威力，徐圖匡復。朝議不聽。○十一月，敕正儀、正武等大舉助清氏討義詮，攻京師。○十二月，諸將竝進，佐佐木高秀、今川貞世望風而走。足利義詮奉新主，走近江官軍，焚義詮第，道譽之走，戒守者，具酒食犒師。正儀報以甲馬，禁焚掠。既而時氏義長東西皆敗，義詮還兵，命赤松氏範直犯行宮。正儀等乃旋軍，義詮復入京師。太平記○十七年壬寅○北朝貞治元年春正月，細川清氏至阿波，徇南海。○夏六月，山名時氏遣兵徇三備，足利直冬以石見兵助之。其子師義亦略丹波，但馬。○秋七月，足利義詮遣細川賴之圖清氏，賴之守備未全，說以禍福，徃復間備成，乃絕之，挑戰誘出，斬清氏。自是細川

義詮復還京師

細川山名氏始大

氏山名氏始大。○九月。菊池武義討鎮西探題斯波氏經。走之。遂與菊池武光進至豐後。圍大友氏時等。○十九年。

甲辰○北朝。秋七月。光嚴上皇崩。紹運錄○是歲。大內弘世以周防長門叛。降義詮。因授三州守護。尋益以石見山名。

時氏亦降。請因領所略地。義詮許之。為因幡伯耆丹波美作五州守護。仁木義良。石堂賴房等並叛。太平記○二十二年。

年。丁未○北朝。夏四月。足利基氏卒。子氏滿嗣。為關東管領。○十二月。足利義詮卒。于義滿嗣。喜連川系圖以細川賴之為管領。輔之。先是。足利基氏薦賴之。義詮臨終。謂義滿曰。

與汝一父。又謂賴之曰。付卿一子。賴之竭心輔導。撰方正兼文武者。充左右置髡者六人。以為弄容。將士有僂佞者。

大內弘世叛

足利義詮卒

臨御三十年征戰無虛日

紀元二千〇二十八年即位

長

慶天皇諱寬成。後村上帝第一子也。帝王系圖未詳所出。正平二十三年。三月。後村上帝崩。天皇即位於行宮。諸書不書即位蓋關

文也。故姑書于此。○以皇弟熙成親王為皇太弟。新葉和歌集嘉喜門院集○

秋七月。新田義宗。勝屋義治起兵。越後上野。與上杉憲將戰。不克。義宗戰死。義治走出羽。喜連川系圖○正平二十四年。

已酉○北朝。春正月。京師以足利義滿為征夷大將軍。花營

目為毛童坊。斬辱之。於是士風大革。賴之○二十三年。戊申

○北朝。應安元年。春三月。帝崩于住吉殿。花營三壽四十一。帝幼

鎮東藩入。續大統。雖偏安吉野。粗修舊典。恒以恢復為心。

親蹈艱危。將士竭力。控制強敵。臨御三十年。征戰殆無虛

日矣。葬河內觀心寺。唐橫雜事記

新田義宗戰死
京師以義滿為將軍

補正儀降足利氏

建德元年

後圓融院立

文中元年

三代 ○左兵衛督補正儀降足利義滿花營三 ○三月補

氏族討正儀後愚 ○建德元年庚戌 ○北朝春正月勝屋

義治出兵武藏上野與上杉朝房等戰不克奔信濃喜連

○冬十一月和田正武等討補正儀攻其城花營三 ○

二年辛亥 ○北朝二月菊池武光奉征西大將軍懷良親

王起兵謀復筑紫與探題今川貞世戰鎮西吉川 ○三月

後光嚴院禪位於子緒仁親王是為後圓融院後深心院

○秋八月發兵討正儀細川賴之遣其子賴元援正儀入

寇湯淺族百餘人死之花營三 ○文中元年壬子 ○北朝

春二月今川貞世與大內義弘合兵攻菊池武政武政逆

擊敗之武政武光子也菊池武 ○二年癸丑 ○北朝春三

紀元二十三年即

天授三年

土丸城陷

後龜山天皇諱熙成後村上帝第二子也紹運 母嘉喜門院

藤原氏關白經家之女嘉喜門院 文中二年八月受禪於行

宮 ○內大臣藤原隆俊屯兵大野夜襲細川氏春不克死

之花營三代 ○天授三年丁巳 ○北朝秋八月菊池武朝

奉征西將軍懷良親王與大內義弘戰敗績菊池族百餘

人死之後愚 ○四年戊午 ○北朝秋九月菊池武朝奉

懷良親王與今川貞世戰託磨原破之菊池武 ○五年己未

曆元年北朝 春正月山名義理山名氏清入寇陷土丸城 ○

月足利義滿使細川氏春犯行在三代 帝幸吉野避之新

○八月帝禪位於皇太弟徒御玉川宮古本帝 薙髮法

名覺理號長慶院法皇紹運 不知其所崩處

藤波石垣二城

二月陷藤波石垣二城。○三月足利氏滿叛義滿執事上杉憲春諫氏滿不聽憲春憂懼自殺。花管三代記○十一月河

野通直與細川賴之戰伊豫敗死。豫章記先是義滿課諸將

大營室町第稱花御所驕奢太甚賴之諫不聽相嫌隙近

臣從而譖之義滿罷其職就國賴之即日上途其弟業氏

勸舉族訴屈不聽則遂圖廢立賴之不許乃赴其國讚岐

既而義滿思其功命總管南海至是人寇。花管三代記○六年

庚申北朝夏五月下野人小山義政起兵討宇都宮基綱於裳原斬之。鎌倉大子○六月光明院崩。紹運錄○弘和元

年辛酉北朝冬十二月中務卿宗良親王上新葉和歌集本書○二年壬戌北朝春正月先是楠正儀歸順至

新葉和歌集成
弘和元年
楠正儀歸順

是與山名氏清戰平尾敗績。三刀屋文書○夏四月後圓融院

禪位於太子幹仁是為後小松帝。曆代皇紀○小山義政與足

利氏滿兵戰敗死。鎌倉大子○是歲山名氏清悉略和泉紀

伊獨吉野屬行宮。○元中三年丙寅北朝秋七月小山

若犬丸田村則義與足利氏滿戰下總古河敗死。喜連川

○九月赤松氏範與足利義滿兵戰播磨清水而敗氏範

及子氏春家則祐春季則皆死之。赤松系圖○四年丁卯北朝

年春三月小田五郎舉兵常陸據宍戶男體城。○五年戊辰

○北朝嘉慶二年夏五月上杉朝宗攻陷男體城小田五郎死之。

喜連川系圖○八年辛未北朝十二月山名氏清山名滿幸

稱兵叛足利義滿義滿親討之氏清滿幸敗死初山名時

小田五郎舉兵

後小松帝立

元中三年

氏為五州守護其八子皆顯於世氏清義理及取南海其所領跨十州世呼曰六分一氏謂六分海內而有其一也

明德 ○九年壬申 ○北朝夏五月義滿令畠山義深攻金

剛山楠氏亡 ○十月義滿來請和曰駕還授器則兩統更

立如故事許之天皇駕腰輿發行宮關白以下皆從群臣

多戎衣閏月二日御大覺寺義滿欲用來降禮不聽帝以

父子之禮授神器於後小松帝續神皇正統記 應永元年二月薨

髮法名金剛心古本帝王系圖 三十一年四月崩和漢合運

後小松天皇諱幹仁後伏見帝玄孫後圓融院長子也母通

陽門院藤原氏內大臣公忠之女皇年代畧記國太曆 ○永德三年

十二月即位時年六歲天祚禮記 ○明德三年閏十月五

楠氏亡

以父子之禮授神器

紀元一千〇五十二年即位

皇統分緒五十七年

朝鮮來修隣好

應永元年

義持為將軍

金閣寺成

日帝受神器於土御門殿初自後醍醐天皇南巡至此凡五十七年皇統分緒京畿阻域及帝受神器海內始一統

車書同文軌續神皇正統記皇年代畧記二條家記 ○是歲朝鮮遣使請修

隣好許之足利家譜 ○四年癸酉夏四月後圓融院崩皇年代畧記 ○

應永元年甲戌春二月尊後龜山天皇曰太上天皇皇年代畧記

○十一月關白師嗣罷以左大臣藤原經嗣為關白年立抄傳

記 ○十二月征夷大將軍足利義滿罷以其子義持為大

將軍以源義滿為太政大臣補任官位記 ○二年乙亥夏六月義

滿辭太政大臣削髮稱道義補任年立抄 ○四年丁丑夏四月義

滿營別業北山起金閣徙居焉稱北山殿今金閣寺是也

又造一殿禁內每朝就取安稱小御所每造朝公卿皆下

階拜跪嘗遊叡山擬上皇行幸儀足利家傳北山行幸記○是歲少

貳忠資菊池貞賴等起兵筑紫義滿遣大內義弘討平之

應永○五年戊寅春三月關白經嗣罷以前關白師嗣為關

白師嗣良基三子也家号二條補任足利義滿授權大納言

藤原道忠以滿字更名滿基滿基師嗣子也爾後二條家

世用足利氏名一字以冠其名足利家譜○冬十一月關東管

領足利氏滿卒子滿兼襲其職源氏系圖○六年己卯夏四月關

白師嗣罷經嗣復任○冬十月大內義弘作亂舉周防長

門兵東據界城土岐詮直山名時清等應之義滿自軍男

山遣畠山基國細川賴元斯波義將等將兵三万討之斬

義弘詮直時清等皆平時足利滿兼與義弘通謀欲東西

二條家之祖

大內義弘作亂

遣使于明修好

明人策封義滿
日本國王

足利義滿薨

明主諡恭獻王

夾攻京師出軍武藏府聲言接京師義滿誅知之將討之

上杉朝宗百方講和乃授以足利莊滿兼乃罷兵應永○

八年己辛義滿遣僧祖阿於明通好參議菅原秀長作書書

辭甚恭先是我西南不逞之徒侵擾外國元主合韓人來

請為戢之元亡明興明主元璋亦文中年間數託僧來請

路梗不通至是始通信後皆以僧為之善隣國寶記○九年壬午

明主封義滿為日本國王義滿受之如是院年代記○十五年戊子

夏四月關白經嗣罷以左大臣藤原忠嗣為關白補任年立抄

○五月足利義滿薨年五十一稱鹿苑院足利家傳詔贈太上

皇號義持辭不受尊卑分脈明主吊之贈書諡恭獻王善隣國寶記

尊氏義詮之世諸將狙恩叛服無常自氏清義弘伏誅無

明使來聘

不畏服者。世稱義滿。生歲戊戌。字皆從。戈故能以戈戟平天下也。明德記○十八年辛卯秋九月。明使來聘。至攝津。兵

庫却之。如院記○十九年壬辰秋八月。帝禪位於躬仁親王。

椿業記聽政院中。後小松帝薙髮。法名素行智。皇年代永享

五年十月崩。壽五十七。葬泉涌寺。昇遐記

稱光天皇。諱躬仁。後改實仁。後小松帝長子也。母光範門院。

紀元二千〇七十三
年即位

藤原氏贈左大臣資國之女。續神皇正統八月天皇即位。時年十二。萬機皆決。後小松上皇。椿業記仍用應永號。續正統記

○應永二十三年丙申冬十月。鎌倉管領足利持氏罷其執

事。上杉氏憲以上杉憲基代之。初憲顯為鎌倉執事。子孫

世秉權柄。憲顯之姪朝宗亦補執權。由是二族尤強盛。判鑑

氏憲居山內憲
基居扇谷稱兩
上杉

至是朝宗子氏憲居山內。憲顯曾孫憲基居扇谷。稱兩上杉。持氏與氏憲有隙。奪其權。十二月氏憲奉持氏子持仲

作亂。攻持氏。持氏奔駿河。依今川範政。圖復鎌倉。持氏滿

兼子也。大卿了湘○二十四年丁酉春正月。義持令關東諸

將援持氏。攻復鎌倉。持仲氏憲皆自殺。○二十五年戊戌春

正月。大將軍義持殺其弟大納言義嗣。初義滿愛義嗣。請

超遷其官爵。居北山第。勢威出義持右。及鎌倉事起。與氏

憲通謀。將襲幕府。事覺。遣兵圍之。削髮出亡。至是獲殺之。

椿業記○六月。明使呂淵來請通好。不許。和漢○十一月。

關白經嗣薨。○十二月。以右大臣藤原滿教為關白。轉左

大臣。補任康○二十六年己亥夏六月。高麗戰艦千三百餘

明使來請通好

高麗寇對馬

明使又來

義持絕通好

艘寇對馬筑紫兵擊却之賊艦沒海死者無算指角英大日本傳

○是歲明使又來請通好義持使僧西堂諭之曰曩者我先君惑使臣之言狠通外國自後神人不和雨暘失序先君亦即世遺命誓諸神祇永絕外國之通問去歲既諭以此意今有使而至蓋前論未達也又責以海鳴小民數侵邊陲是實我所不知也常命沿海之吏禁止之使者又請見義持辭曰隣國通好安邊利民非不欲也然而寡人所以不敢接使臣者抑亦有說焉先君得病卜之曰諸神降譴以故虔恭精禱神又憑人曰我國自古未嘗稱臣外國比者違前聖之制受封爵而不却所以致疾也於是先君大懼誓於明神以無受外國使命使子孫固守遺命故吾

義量為將軍

足利義量薨

要彼此不往來各保封疆民至老死而不相知不亦可乎

遂永絕通好善隣國實記 ○二十九年壬寅秋八月常陸人小栗滿重據小栗城叛足利持氏宇都官持國桃井宣義等諸族皆應之持氏遣上杉重方攻之○冬閏十月佐竹常元及持氏遣上杉房實擊平之判鑑 ○三十年癸卯春二月足利義持辭征夷大將軍詔以其子義量襲職義持削髮號道詮補任花營三代記 ○五月足利持氏自將擊小栗滿重滿重敗走持氏旋師向宇都官持國亡走捕而斬之宣義等亦被虜斬大卿 ○三十一年甲辰夏四月關白滿教罷以左大臣藤原持基為關白神任 ○三十二年乙巳春三月征夷大將軍足利義量薨年十九薩戒記 ○是歲甲斐人武田信長叛持

赤松滿祐稱兵

正長元年
足利義持薨

氏命上杉房實擊之不利。大判子○三十三年丙辰夏六月持氏遣一色持宗擊信長不利。持氏自將攻之。信長逆戰于猿橋會。武藏七黨兵繼至。信長遂出降。大判子○三十四年丁未冬十月赤松滿祐據其邑稱兵。前大將軍義持遣諸將討之不發。十二月赤松持貞自殺。赦滿祐入京師。持貞滿祐族也。有寵於義持。爭邑相訐。義持庇持貞。滿祐怒自焚其第。奔歸播磨。遣諸將討之。諸將素疾持貞。連署誅之。請赦滿祐。義持不得已許之。令持貞自殺。滿祐還京師。薨。髮稱性。吳赤松系圖如○正長元年戊申春正月。前大將軍義持薨。年四十二。贈太政大臣。足利家傳初義持懲義嗣。悉使諸弟為僧。及義量早世無子。眾議立鎌倉管領持氏。持氏

僧宗純奏定皇

紀元二千〇八十九年即

聞喜之。管領畠山滿家等忌其難制。更議探籌石清水祠。遂奉僧義圓立之。改名義宣。後改義教。持氏由是與義教有隙。判鑑○帝久疾而無嗣。產戒上皇簡所立僧宗純奏曰。彦仁王宜繼大統。上和歌諷之。年譜上意乃決。告之。義教義教遣斯波義淳於伏見迎王入宮。格業上皇養為子。實錄初宗純母入上皇宮。有妊。既而遭讒出宮。生宗純於民家。自少為僧。器識絕人。上皇屢召入宮。進對稱旨。遂定皇嗣。年譜○秋七月。帝崩。壽二十八。火葬泉涌寺。藏御骨於深草法華堂。紹運錄年代後花園天皇諱彦仁。崇光院曾孫貞成親王子。母敷政門院源氏。贈左大臣經有之女。續神皇正統記紹運錄。帝踐祚甫十歲。是

正長元年

院年關白左大臣持基攝政。補任年○正長元年戊申秋八

月伊勢國司北畠滿雅反。格業記初義滿之主和議也。後龜

山帝約以兩統迭立。續正統記以故皇子小倉官欲入繼大統

不得遂與滿雅謀起兵。義教令土岐持賴討之。滿雅戰死。

小倉官降。居之嵯峨。薩成記滿雅親房之曾孫也。源氏○

永享元年

永享元年己酉春三月足利義教為征夷大將軍。足利家傳○秋

義教為將軍

九月義教捕捕光正殺之。光正削髮稱常泉。潛匿南都會

義教至南都。光正欲狙擊不成。遂被誅。看聞御記○冬十二月

多武峯僧為亂

即位於太政官廳。公名○二年庚戌春三月多武峯僧攻小

川弘氏。義教命罷兵不聽。建內義教遣山名赤松等諸將

攻多武峯。永錄年○四年壬子秋八月持基罷攝政。以左大

遣使于明

臣藤原兼良攝政。尋罷。復以持基代之。補任年○是歲義

教遣使于明。明主遣內官雷春等報聘。寶曆國○五年癸丑

春三月罷持基攝政為關白。補任○六年甲寅夏六月明主瞻

基遣使來聘。贈銅錢三十萬緡於義教。薩成記○冬十

月延曆寺僧徒有訴入京師。將軍遣兵防却之。薩成○九

年丁巳春三月義教遣細川成之。土岐持賴一色義範。武田

信榮等攻多武峯。永錄年○八月楠氏族起兵。河內

守護兵討斬之。薩成○十年戊午夏五月義教殺一色義範。

義教恐義範聞之。令武田信榮殺之。劫海發是月大和人

越智箸尾攻多武峯。拔之。文正年遂焚堂舍。義教連歲用

明使來聘。貢銅錢三十萬緡

多武峯陷

新續古今和歌
集成

上杉憲實為關
東管領

兵大和至是始平永錄年○秋九月鎌倉管領持氏逐其
 執事上杉憲實于上野○冬十月大將軍義教下教關東
 發兵助憲實擊持氏○十一月執持氏囚于永安寺結城
記○是歲藤原雅世上新續古今和歌集延喜中勅紀貫
 之等撰古今集自後歷朝有勅撰至是凡二十部拾芥是
 為二十一代集宜胤○十一年己未春二月義教攻殺持氏
 令上杉氏管領關東初持氏冀將軍不得居常憤憤曰吾
 何屈還俗將軍哉憲實驟諫不聽上杉憲直一色直兼因
 譖憲實持氏令二人徵兵兵多屬意憲實不為持氏用持
 氏不得已自造山内面諭憲實歸罪憲直憲直逃藤澤事
 乃釋持氏冠其子賢王故事鎌倉管領于元服必受將軍

三浦時高叛持
氏

清方為關東管
領

偏諱持氏不屑之名曰義久諸將皆賀憲實不賀出奔上
 野訴之京師義教以故上杉氏憲二子持房教朝為大將
 分道東伐與憲實合關東將上多應憲實者持氏立其子
 義久使三浦時高輔之守鎌倉自軍武藏當憲實教朝遣
 上杉憲直防持房持房大破憲直于早川尻進逼鎌倉三
 浦時高叛通京軍執義久諸軍合圍持氏持氏兵散亡持
 氏窮蹙欲自殺憲實遣使止之諭諸將解圍持氏削髮徙
 永安寺憲實歸罪憲直直兼誅之馳使京師請宥持氏死
 不聽至是使諸將逼持氏自殺命憲實為管領憲實固辭
結城戰 義久自盡於憲實家年十一東寺通 ○三月上杉
場記 憲實召弟清方於越後為管領自削髮号長棟後詣長春

朝鮮來聘

院拜持氏影曰臣無他心天實鑑之乃挺刀判腹為其臣所支不果結城戰場記○是歲朝鮮王李禔遣使來聘善隣國定記

○十二年庚午春正月持氏子春王安王投結城氏朝初二

王逃二荒山至是氏朝遣子光久迎之聚兵據城因大聚

宗族修結城古河二城分兵守之判鑑○秋七月上杉清方

以義教令將諸國兵圍結城城氏朝力拒數破上杉氏軍

義教益發兵又起憲實視師憲實辭不聽憲實乃率東北

三道兵攻氏朝氏朝勉勵士卒嬰城固守憲實等不能拔

○嘉吉元年辛酉夏四月結城古河皆陷氏朝父子戰死城

兵悉死之獨持氏季子永壽王走信濃氏朝季子成朝走

常陸春王安王被執而西義教遣使者迎二王戮于塗遇

結城氏朝為亂

嘉吉元年

赤松滿祐弑將

之垂水吏乃入道傍佛寺進浴二王二王亦知其意正坐

受又春王年十三安王年十一首至京師義教召其乳母

問持氏子猶在乎乳母不答嚙舌而死結城戰場大帥子記○五月

將軍義教殺弟義昭義昭為大覺寺僧正與後龜山皇子

親善聞關東兵亂勸皇子乘此時以遂宿志密遣人約菊

池氏起兵竊自蓄髮事覺逃匿竟被捕殺文正年代記諸門迹譜○

六月赤松滿祐弑大將軍義教初滿祐族曰貞村自叔父

持貞與滿祐相隙義教寵貞村每事抑制滿祐遂欲割滿

祐所領與貞村滿祐大恚因伏甲士而請義教義教即往

置酒高會觀散樂樂至鴉飼而甲發義教將起甲士稱進

斬之滿祐火其第奔播磨建內記先是幕府宿直者見偶人

偶人奏鶴飼曲

數十奏鶴飼曲忽而不見。人以爲怪。至是始知其爲凶兆。云。永享○義教子義勝在伊勢貞經家。諸將議立之時年

白旗城

赤松滿祐伏誅

八歲。足利家傳○八月勅管領細川持之討赤松滿祐。山名持豐與族教之教清先進圍白旗城。城中糧盡不能拒戰。九月遂拔之。斬滿祐。傳首京師。義勝賞持豐等盡賜赤松氏地。嘉吉持豐自平賊。恃功專橫。管領不能制。建內○二年。

義勝爲將軍尋薨

秋七月。管領細川持之卒。以畠山持國爲管領。康富○十一月。以足利義勝爲征夷大將軍。官位記○三年。癸秋七月。足利義勝薨。足利家傳弟義成嗣立。生八歲改名義政。系

○九月。前權大納言藤原有光等起兵入禁中。取神璽寶劍。擁王子萬壽寺僧金藏主者。據叡山。管領畠山持國遣

對馬與朝鮮約互市

文安元年

兵攻之。金藏主有光敗死。棄寶劍於清水寺。傍吉野遺民奉神璽。擁王子二人。據吉野。圓滿院僧圓胤亦還俗更名義有。天地根元圖○是歲對馬主宗貞盛與朝鮮約互市。和漢合運每歲遣船五十艘。若額外遣船。謂之特送。朝鮮歲給米豆二百石。自是交易不絕。海東諸國記○文安元年。甲夏六月。南朝遣臣奉義有王。擁神璽。據紀伊北山。集兵。南方○

二年。乙丑冬十一月。關白持基薨。以左大臣藤原房嗣爲關白。補任○義政罷。管領畠山持國。以細川勝元代之。尊厚○

四年。丁卯夏六月。關白房嗣罷。以太政大臣藤原兼良爲關白。康富○十一月。尊無品親王貞成曰。太上天皇。皇年代

○畠山基國遣兵攻紀伊北山。殺義有王。傳首京師。朝議

殺義有王

寶德元年

梟之關白兼良以為不可遣判官坂上明世等驗視其首
王後村上皇子泰成之子也。諸門跡傳 康富記 ○寶德元年壬子春

正月義政以持氏子成氏為鎌倉管領初越後守護上杉
房定欲立持氏胤子以慰藉衆心乃索獲永壽請之京師

京師議許之賜永壽名成氏成氏至關東房定輔翼之上
杉憲實聞之不自安與其子二人為僧巡行諸國大御子後

義政為將軍

卒于周防湘山屋 移集 ○夏四月義政任征夷大將軍官位 ○

琉球貢錢

是歲義政罷管領細川勝元復以畠山持國代之康富記 ○
三年辛未秋七月琉球來貢錢一千緡足利家傳 ○是歲義政遣

享德元年

使于明國寶記 ○享德元年壬申冬十月細川勝元再為管領
等舟分麻 ○二年癸酉夏四月關白兼良罷以右大臣藤原持通

長尾景仲等為亂

代之任補 ○長尾景仲太田資清作亂於鎌倉初上杉憲實

亡命也其少子龍若尚幼在伊豆民家義政使其臣長尾

景仲輔之居山內改名憲忠襲執事職時太田資清輔上

杉顯房於是景仲資清頗擅威權遂襲成氏成氏奔江嶋

景仲資清追躡至由井濱千葉胤直小田持家等擊破之

景仲等退還成氏訴之京師義政遣人和解之大御子 ○三

年甲戌秋七月關白持通罷以左大臣藤原房平為關白任補

○八月盜焚畠山持國第初持國無子養弟持富子政長

為嗣已而生義就義就母日短政長佯為狂病卜者曰必

有近親咒詛者持國意政長所為立義就為嗣欲殺政長

政長逃依細川勝元勝元與山名持豐援政長畠山氏家

義就政長闕牆

義就奔河內

成氏殺上杉憲忠

康正元年

臣皆往從之。既而持國第火，持國逃入從弟義忠家。義就奔河內，依家宰游佐國助。持國使人謝勝元，復立政長。自屏居建仁寺。勝元乃以政長入謁幕府。幕議知火持國第者，勝元等所為。勝元歸罪家臣，職貝斬之。以說長祿記。○冬十一月，義政將誅持豐。勝元固請宥之。持豐亦上書謝罪，退居但馬。嘉吉記。○十二月，足利成氏殺其執事上杉憲忠。成氏已長，怨上杉氏，殺其父，與結城氏朝子成朝謀殺憲忠家宰長尾昌賢等。立憲忠弟房顯為將，招集關東兵，誅成氏之罪。京師大帥子。○康正元年春正月，成氏討憲忠餘黨，至武藏，與上杉憲秋顯房戰于分倍，大敗之。斬憲秋顯房。上杉房顯收合敗卒，據小栗城。成氏追擊

持豐攻殺赤松則尚

義就入京政長奔大和

又破之。房顯走下野。宇都宮等綱據城拒守。成氏又攻破之。等綱走白河。敵兵望風降附。聲勢大振。大川。○夏五月，山名持豐攻赤松則尚，殺之。初，細川成之與赤松氏善，滿祐弟祐之及子則尚因成之請赦。義政從之。應仁。祐之遂起兵播磨，據壇德山。持豐怒曰：吾以功受封，豈容賊徒遺種發兵攻之？則尚祐之敗走，遂自殺。嘉吉。○六月，關白房平罷持通再任關白。神。○義政命今川範忠討成氏。成氏敗績走古河。範忠縱火焚鎌倉邸第，府庫悉蕩燼。大川。○是歲，畠山持國卒。畠山義忠請召還義就。義政許之。義就入京師。政長不得在京師出奔大和。文正年。○二年丙秋八月，太上法皇崩。稱後崇光院。紹運。法皇初為親王，為稱

椿葉記成

長祿元年

稱將軍曰公方

光帝所忌。雉髮稱道欽。嘗著椿葉記。錄崇光以後皇室喪亂之事。椿葉記世以為實錄。○是歲。義政遣使朝鮮。修鄰好。國寶記○長祿元年。丁丑。夏六月。義政以澁川義鏡為關東探題。初。成氏走古河也。武藏相模。上總。下總。將士多屬之。不從京師令。故義政委義鏡以鎮撫之職。使諸將受其節度。以上杉房顯為管領。以討成氏。於是上杉持朝。城河越。太田資清。城巖付。太田資長。城江戶。大將子○十二月。澁川義鏡議曰。關東不置主帥。無所受令。乃請之京師。義政以弟政知為關東公方。時稱將軍曰公方。大將子○赤松家士伴降吉野。殺二王子。取神璽獻京師。上月○二年。戊申。秋八月。詔赦赤松政則。分加賀備前伊勢數縣與之。上月政則年

政則奉神璽以贖殺逆罪

寬正元年

義政窮極靡麗

纔五歲。初滿祐之死也。其弟義雅見擒。其子為僧。曰性尊。政則即其子也。建內先是赤松氏遣臣石見請曰。神璽今在吉野。願取以奉之。以贖殺逆之罪。因有此命。山名持豐怒。政則遭赦。計出石見。使人刺殺石見。應仁外記持豐削髮曰。宗全為人長身赭面。人呼曰赭人道。○寬正元年。庚申。春二月。地大震。時比年凶荒。道殣相望。而義政營第宅窮極靡麗。高倉第障子一間。直二萬錢。其他稱之以故。征賦什倍。前代借畿內富商之金。率一歲不過數次。至義政時。則一月或八九次。故事。每將府有大議。課諸將助其費。率十歲一舉。義政五歲九舉。天下凋弊。民疲其役。帝憂之。賦詩賜義政。義政乃罷役。天地歷代○三月。捕捕氏族在吉野者。

義政信佛禁殺

大飢

義就敗走匿高野

雪舟歸自明

悉殺之四塚日季錄○秋九月義政課諸將致花木植之而

義就所致適枯義政信佛禁殺義就放鷹義政聞之大怒

逐義就義就入若江城保之遣畠山政長討之義就走嶽

山劫濁發心畧○是歲大飢餓莩滿路京師作叢塚數十

瘞之如長祿記○四年癸未夏四月關白教房罷前關白持通

復任補任○政長復政義就於嶽山拔之先是細川勝元遣

兵援政長攻陷若江金胎寺二城圍義就於嶽山義就善

守累年不下至是遂陷義就逃匿高野長祿寬正○是歲僧

等揚還自明等揚號雪舟通禪學又善丹青明主召畫禮

部院之壁以是著名居三年始歸畫法益進世以為神品

云丹華若木集○五年甲申秋七月帝禪位於成仁親王皇

紀元二千一百二十四年即位

後土御門天皇諱成仁後花園帝子也母嘉樂門院藤原氏

內大臣信宗之女皇代寬正五年七月踐祚于土御門殿

錄紹運以前關白持通為關白補任○十一月義政罷管領細

川勝元以畠山政長代之尊序○義政奏以弟義視為嗣

初義政無子弟義尋為僧住淨土寺義政欲養為嗣義尋

固辭義政誓曰吾後有子必襁褓為僧義尋乃蓄髮改名

義視以勝元輔之將軍家時紀綱紊亂賞罰無常近江

代畧應仁元年九月薙髮法名圓滿智紹運錄文明二年

十月崩壽五十二山霞山火葬悲田院紹運安十三層塔

於大原法華堂東南親長記稱後文德院改稱後花園院

紹運錄親長記

上下罷敵民皆思亂

文正元年

義就還京師

人熊谷知世將亂。上書諫之。義政怒奪其采邑。○六年西春三月。義政遊花頂山。若王子等觀花。尋至伊勢春日。鹵簿從衛窮極靡麗。由是賦役無度。上下罷敵。民皆思亂。應仁

○十一月。義政生子義尙。後改義熙。足利家譜○十二月。天皇卽位。都運○文正元年丙戌夏四月。義政罷斯波義廉。尾張遠江越前守護。以其族義敏代之。遣使曰。宜以第宅付義敏。時義廉與山名持豐約婚。持豐聞之大怒。與土岐成賴一色義直六角高賴等集兵。為備。義廉亦集兵自守。京師騷然。伊勢貞親為義敏妹夫。而為義政所親任。掌幕府出納。甚有權。諸將連署。訴其罪狀。義政逐之。於是貞親義敏皆奔。應仁○十一月。畠山義就被赦。還京師。初義政妻

應仁之亂兆于此

應仁元年

持豐黨義就勝元援政長

富子。以義熙不欲為僧。而難渝。義視約。又細川勝元輔之。難搖。念諸將抗勝元者。唯山名持豐密召。持豐託之。持豐與勝元有隙。故受託。不辭。持豐以為義視襲職。則勝元得志。不如輔之。以為世嫡。且今與吾戮力者。唯義就而已。因請赦之。召還。為援。義政許之。應仁○應仁元年丁亥春正月。故事。大將軍歲首臨管領第。受饗。時畠山政長為管領。設供請焉。不臨。十五日。臨山名持豐宅。已而持豐率義就。義廉以下諸將。詣幕府。請使政長避本第。納義就許之。遣使諭旨。勝元曰。臣將面對焉。使者復命。久之不至。遂與政長集兵。守其第。持豐亦召兵。守幕府。義政令曰。政長。義就。宜各以手兵相決。諸將莫得援。義就曰。可也。十八日。義

御靈林之戰

勝元第在幕府
東持豐第在西

勝元兵凡十六
萬人

持豐兵凡十一
萬人

就擊政長于御靈林。持豐潛援義就。政長敗走。義就復入本第。世嗤勝元不援政長。以為怯。勝元慙。杜門不出。勝元第在幕府。東持豐第在西。義視往來。兩軍間和解之。不聽。

○二月。勝元徵所管攝津。丹後。和泉。淡路。阿波。讚岐。土佐。備中。參河。兵。政長以紀伊。河內。斯波。義敏。以越中。京極。持清。以近江之半。隱岐。出雲。武田。國信。以飛騨。安藝。若狹。赤松。政則。以加賀。皆屬焉。兵十六萬。持豐聞之。發但馬。因幡。播磨。伯耆。石見。備前。美作。兵。義就以大和。及河內。紀伊。故黨。畠山。義純。以能登。斯波。義廉。以越前。尾張。遠江。六角。高賴。以近江之半。一色。義直。以丹波。伊勢。土岐。成賴。以美濃。皆屬焉。兵凡十一萬。兩軍絡繹入京師。京師人民負擔奔

東軍每勝

西軍復振

勝元迎來興于
幕府

竄應仁。○二月。義政以斯波。義廉為管領執權。○夏五月。關白持通。罷前太政大臣兼良為關白補任。○義政令曰。先戰者我敵也。一色。義直。第在幕府前。勝元遣兵屯實相院。逼之。義直走。勝元乃入幕府。請旌旗。樹之。第門迎。義視人府中。持豐怒。攻實相院。不克。自是兩軍交戰。京中東軍每勝。應仁。○夏六月。持豐兵火。一色。政氏。第風勢猛烈。公私屋舍。延燒三萬餘區。大內。政弘。率周防。長門。兵三萬。入援持豐。西軍復振。東軍每失利。應仁。○秋八月。勝元疑幕府近臣有為西軍耳目者。請逐。一色。政熙。上野。政直。等十二人。十二人怒。曰。內旨在西。西勝則咲。東勝則釁。何獨吾輩。勝元從殺之。既而持豐圖犯關。奪乘輿。勝元迎帝及上皇。

義親入西陣

文明元年

于幕府。○秋九月，西軍遣義就政弘等攻相國寺，奪之。或說勝元曰：是吾東西受敵也。乃遣政長復取之。勝元請復伊勢貞親伺察幕府。義親素惡貞親，不自安，遂奔伊勢。依北畠教具。應仁記 ○二年，戊辰春正月，以斯波義良為管領。義良，義廉子也。○夏五月，義良罷。復以勝元為管領。應仁記 ○秋九月，詔召還義親。時有飛語，勝元謀廢立，義政疑懼，將潛赴西軍。勝元乃使人將義親上叡山，持豐遣兵迎取入西陣。自是兩軍如將軍兄弟戰者。應仁記 ○文明元年，己丑春三月，勝元縱火襲持豐營，持豐督戰卻之。應仁記 ○秋，大內政弘、臣二尾等作亂，周防政弘引還。太宰少貳教賴起兵對馬，侵筑前，圖復舊地。赤松政則亦復播磨，備前

華後花園法皇 悲田院

持豐勝元皆卒

美作。足利家譜 ○二年，庚寅秋七月，關白兼良罷。補任 ○秋八月，左大臣藤原政嗣為關白。年立 ○義政遣使朝鮮。國宅記 ○十二月，後花園法皇崩于室町行宮。○三年，辛卯春正月，葬法皇於悲田院。時泉涌寺為賊所據，故葬于此。親長記 ○六角高賴起兵，將入京師。京極持清擊破之。應仁記 ○三月，足利成氏來兩家攝兵，累世相爭，干戈無弭。總見 ○三月，足利成氏攻足利政知，政知逆戰三嶋，不克。上杉政真遣兵援之，成氏敗走。○夏五月，上杉顯定遣長尾景信攻古河城，拔之。成氏走下總。大州 ○四年，壬辰春，成氏攻古河城，拔之。尋擊政真于五十子，斬之。大州 ○五年，癸巳春三月，山名持豐卒。年七十。○夏五月，細川勝元卒。年四十四。親長記 ○冬十二

義熙為將軍

求明國勘台印

遣使于明求典藉銅錢

行官火

月義政罷征夷大將軍以于義熙拜征夷大將軍補任家傳

六年甲午秋九月義政贈書朝鮮求明國勘台印國宅記○七

年乙未春正月行四方拜應仁以降朝典悉廢至是諸節會

皆復舊長興記○秋八月義政遣使于明求典藉及銅錢

京華集○九月延曆寺僧擊六角高賴破之初高賴掠奪延

曆寺封邑僧徒請討之美濃尾張兵援高賴僧徒竟敗還

長興記○八年丙申夏五月關白政嗣罷左大臣藤原政基代

之補任○冬十一月室町行官火承享行幸記累代典籍悉蕩燼

天皇幸義政小川第遷御北小路第長興記○九年丁酉春正

月武田信賢攻赤松政則戰北小路矢及行官將軍義熙

親出止之事稍定○秋九月畠山義就奔河內○冬十月

西軍奔散

土岐成賴奉義視奔美濃西軍將士悉奔散應仁以來十

一年間兵革相踵京師為戰區至是始平細長記○是歲畠

山政長復為管領家譜○十年戊戌冬正月足利成氏與上杉

顯定講和尋還古河城大帥子○秋八月義政與義視行成

長興記○十一年己亥春二月關白政基罷右大臣藤原政家

代之補任○十三年辛丑夏四月前關白兼良薨兼良才學絕

倫博涉古今明通典故宜胤記所著公事根源花鳥餘情等

皆行于世書籍目錄外記○十一月僧宗純卒年八十八宗純號

一休善詩性闊達不拘泥矩度詆諧翫世晚年為大德寺

住持後築膳驢庵于東山居焉其所著書有狂雲集一休年譜

○十五年癸卯春二月關白政家罷前左大臣政平代之補任

公事根源成

僧一休卒

銀閣成

太田道灌卒

長享元年

○三月。義政遣使於明。復求銅錢。京華集 ○秋七月。義政築東山別業。起銀閣。以擬金閣。徙居焉。稱東山殿。京華集 古器名畫。屢設茗宴。以遣世慮。家譜 茶人周光之徒。尤見親近。自是茶湯盛行。云。茶湯傳書 ○十七年。己秋八月。大將軍義熙與成氏行成。鑑判 ○十八年。丙秋七月。上杉定政殺其執事太田資長。資長有方略。削髮稱道灌。時定政居相摸大場。上杉顯定在上野平井。交構兵。道灌精築城之術。築江戶河越二城。招八州將士。將士多背顯定。歸定政。顯定縱反間。使定政殺道灌。道灌臨死。作和歌。聞者哀歎焉。將士又叛。定政定政失勢。求援於成氏。東山殿日記。梅花無盡藏 ○長享元年。丁未春二月。關白政平罷。前內大臣藤原政忠為關白。補任 ○

延德元年
足利義熙薨

足利義政薨

夏五月。義熙以細川政元為管領。政元勝元子也。承圖 ○秋九月。義熙召六角高賴。不至。義熙自將討之。高賴走匿甲賀山。義熙進軍鉤里。足利季世家譜 ○二年。己申。長六月。加賀一向宗僧徒作亂。殺富樫介政親。加越大亂。親長記。加越關爭記 ○秋八月。關白政忠薨。內大臣藤原冬良為關白。補任 ○延德元年。己酉。春三月。大將軍義熙薨于鉤里。年二十五。家譜 義熙好學。嘗就前關白兼良。諮問治道。兼良為著。樵談治要。文明一統記。在軍中。猶講左氏春秋。及薨。遠近皆哀惜焉。文祿清談 ○夏四月。義政召義視於美濃。養其子。義材為嗣。後改名義植。親長記 ○二年。庚戌。春正月。前大將軍義政薨。年五十六。家傳 義政荒耽酒色。委政婦人。賄賂公行。刑賞僭濫。天下大

義植為將軍

亂禍延數世云。應仁義植嗣立。○秋七月。義植拜征夷大將軍。官位記○三年。辛亥春正月。前大納言義視薨。系圖○夏

四月。足利茶茶丸弒其父政知。系圖初政知愛後妻子義遐

疎茶茶。茶茶怨望。遂弒之。義遐時年十三。奔依今川氏親。

氏親遣其將伊勢氏茂。誅茶茶。義遐後改名義澄。足利季世記

○氏茂遂取伊豆城。葦山而居焉。改氏曰北條。北條嘗召

儒士說黃石公。三畧其首。有言曰。主將之法務攬英雄之

心。氏茂聽之曰。止矣。吾既得之不復使說。甲陽軍鑑○秋八月。

義植自將討六角高賴。詔賜錦旗。○明應元年。壬子春正月。

義植擊破高賴。遂拔觀音寺。高賴走甲賀。足利季世記○冬十

月。義植帥舟師。進至森田。高賴潰走。乃凱旋。和長是歲。義

主將之法務攬英雄之心

明應元年

植遣使于明。京學集○二年。癸丑春二月。冬。良辭關白。右大臣

藤原尚通代之。補任○夏四月。島山政長奉將軍義植擊島

山。義豐軍正覺寺。細川政元與義豐合謀攻之。義植脫身

走筒井。政長戰死。政元稱義政。遺言立故足利政知子義

澄為主。義豐義就子也。先是義就死。義豐嗣。據河內常忌

害政長。政長請而伐之。政元與政長爭權。因援義豐。閏月

捕義植以歸幽之。親長記○秋七月。義植逃奔越中。尋西依

大內義興。義興政弘子也。宜胤記○冬十二月。義澄為征

夷大將軍。足利家譜○三年。甲寅秋九月。三浦義同弒其父時高。

初時高無子。養義同為嗣。後生一子。欲廢義同。義同逃。相

模大森實賴助之。襲時高。時高自殺。北條○四年。乙卯春二

義澄為將軍

三浦義同弒其父

比條氏茂獵首根

月比條氏茂襲大森實賴於小田原破之略其地初氏茂與實賴善使人言實賴曰吾獵葦山其獸逃首根願公以首根假我我得縱捕取焉實賴許之乃率兵百餘人被獵裝踰函根先縱牛數十頭鼓譟隨之憑高馳下直入城內實賴惶駭不知所為出奔三浦氏茂遂取小田原城使子氏綱據之兵亂記○六年丁巳夏六月關白尙通罷內大臣藤原尙基代之補任○冬十月關白尙基薨前太政大臣藤原良冬為關白宣胤記和長記○八年己未春正月畠山尙順與畠山義豐戰于河內義豐敗死天正年代記○冬十二月細川政元使赤澤朝經納畠山義英於河內尙順拒戰不克奔紀伊應仁後記義英義豐子也系圖○九年庚申秋九月帝崩于土御門

殿黑戶壽五十九紹運錄稱後土御門院和長記時天下騷亂資料不納靈柩在黑戶歷四十餘日十一月葬泉涌寺三

秘抄事記

後栢原天皇諱勝仁後上御門帝第一子也母贈皇太后源氏權大納言長賢之女親長記皇年代畧記○冬十月踐祚于小御

所拾芥抄○文龜元年辛酉春二月義澄奏罷義植官爵將軍家譜

○夏六月關白冬良罷以內大臣藤原尙經代之補任○永

正元年甲子秋九月上杉朝良與比條氏茂合兵與上杉顯

定戰于楯河原敗走顯定攻朝良於河越朝良講和朝良

定政子也兵亂記○三年丙寅秋九月長尾為景攻其君上杉房義弒之房義顯定弟也北條記○四年丁卯夏六月細川

紀元二千一百六十年即位

文龜元年

永正元年

長尾為景弒上杉房義

香西元近弒細川政元

大內義興大舉入京師

政元幸香西元近弒政元立政元養子澄之宜胤○秋七月三好長輝以阿波兵奉政元養子澄元討元近誅之及澄之立澄元初政元無子養關白藤原政基子澄之又養族政春子高國皆不稱意更養族細川義春子澄元澄元猶幼在阿波付長輝輔之元近恐澄元立長輝專權陰謀殺政元於浴室聞長輝北上城嵐山拒之敗死長輝乃請以澄元為管領將軍義澄輒從之政元世記○五年辰春三月大內義興奉前將軍義植大舉東上細川高國舉兵應之入京師大將軍義澄奔近江依六角定賴長輝以澄元奔阿波嚴助○夏五月長輝與定賴夾攻京師長輝敗走定賴引還李世○秋七月義植復任征夷大將軍奏削將

盜入幕府

地大震

前將軍義澄薨

軍義澄官爵官位記以義興為管領○六年己秋七月上杉顯定討長尾為景為景敗走越中兵亂○冬十月盜入幕府義植自格關殺四人身被九創盜逸去蓋義澄所為也承正年○七年庚午夏六月上杉顯定討長尾為景敗死於長森原兵亂○秋八月地大震遠江海溢陸沒為海今切渡是也李世○是歲對馬主宗義盛遣子盛弘將兵擊朝鮮拔二城進戰于熊川敗死宗承○八年辛未秋八月前將軍義澄薨于近江武家○細川政賢舉兵入京師大內義興奉將軍義植避之丹波義興還襲政賢於舟岡山斬之○九月義植還京師以義興為管領李世○九年壬申秋八月比條氏茂攻三浦義同拔岡崎住吉二城圍荒井城

上杉朝興來援。氏茂逆擊走之。兵亂記 ○十年癸酉春三月。義

植伐六角定賴。敗還。李世記 ○冬十月。關白尙經罷。前左大

臣藤原尙通代之。補任 ○十一年甲戌秋八月。關白尙通為太

政大臣。右大臣藤原兼輔為關白。補任 ○十三年丙子秋七月。

北條氏茂拔荒井城。氏茂攻圍累年。不能拔。至是城中糧

盡。士卒困憊。城將人森越後等。謂義同曰。宜走上總。以圖

再舉。義同曰。持氏之死。吾父實為之。而吾亦有弑父之罪。

積惡之報。安往而逃乎。今日之事。枕城有死耳。氏茂謀知

之。鼓衆疾攻。城陷。誅義同父子。盡略相模。北條記 ○十五年

戊寅春三月。關白兼輔罷。內大臣藤原尹房代之。補任 ○夏五

月。蝦夷作亂。蠣崎光廣討平之。光廣若狹守護武田國信

氏茂拔荒井城

蝦夷為亂

北條早雲卒

孫父信廣始到松前。時蠣崎修理太夫為本國城主。會蝦

夷蜂起。信廣討之。有功。蠣崎以女妻之。因冒蠣崎氏為本

國城主。徙治松前。後浸拓疆域。為蝦夷酋長云。松前系圖 ○秋

八月。大內義興就國。以細川高國為管領。補任李世記 ○十六

年。己卯秋八月。北條氏茂卒。年八十八。氏茂削髮号早雲。早

雲日計復北條氏故業。以成其宿志。祈于三嶋神祠。夢有

大杉二株。一斂齧其根。仆之。化為虎。既覺。召卜人占之。卜

人曰。公生歲次子。子為獵神。是公克兩上杉之逃也。早雲

心竊喜焉。子氏綱嗣。亦有勇略。善用兵。北條記 ○冬十月。細

川澄元率四國兵。至兵庫。細川高國遣兵一萬防之。不利。

○十七年庚辰春二月。三好長輝擁細川澄元入京師。攻細

大承元年

義晴為將軍

浦上村宗弼赤松義村

川高國。高國敗走近江。發兵還。攻京師。澄元走阿波。長輝與其子自殺。○夏六月。澄元卒于阿波。李世記○大承元年。辛己春三月。帝卽位。紹運錄初帝之立也。喪亂日久。府庫耗竭。是以不能行大禮。二十年于此。內大臣藤原實隆憂之。喻本願寺僧光兼。光兼獻黃金一方兩。供其費。因勅光兼。准門跡。永傳子孫。池藻屑實錄○細川高國。逐將軍義植。義植奔淡路。李世記○夏六月。高國迎。故義澄子義晴於播磨。立之。時年十一。和長記詔。罷將軍義植職。李世記○秋九月。浦上村宗弼。其主赤松義村。子晴政嗣。赤松系圖村宗專權。義村惡其偏討之。不克。村宗幽之於室津。遂弑之。赤松記○冬十一月。義晴為征夷大將軍。和長記○是歲。尼子經久略安藝。安

前將軍義植薨

藝將士皆屬之。獨毛利元就屬大內義興。數與經久戰。義興不救。元就屬經久。元就大江廣元裔也。毛利記○三年。癸未夏四月。前將軍義植薨于阿波。年五十八。補任○四年。甲申春正月。北條氏綱攻上杉朝興于江戶城。拔之。朝興走保河越城。兵亂記○五年。乙酉夏四月。關白尹房罷。右大臣藤原植家代之。補任○關東管領上杉憲房卒。子憲政幼弱。家臣議以足利高基子晴直為嗣。改名憲廣。襲管領職。判鑑○六年。丙午夏四月。帝崩。壽六十三。和長記稱後栢原院。火葬泉涌寺。二水記藏御骨於深草法華堂。慶廟記

二月... 漢昭帝... 始元六年... 春... 二月... 漢昭帝... 始元六年... 春... 二月...

夏四月... 帝... 始元六年... 春... 二月... 漢昭帝... 始元六年... 春... 二月...

秋... 高... 始元六年... 春... 二月... 漢昭帝... 始元六年... 春... 二月...

冬... 關... 始元六年... 春... 二月... 漢昭帝... 始元六年... 春... 二月...

春... 關... 始元六年... 春... 二月... 漢昭帝... 始元六年... 春... 二月...

夏... 關... 始元六年... 春... 二月... 漢昭帝... 始元六年... 春... 二月...

秋... 關... 始元六年... 春... 二月... 漢昭帝... 始元六年... 春... 二月...

冬... 關... 始元六年... 春... 二月... 漢昭帝... 始元六年... 春... 二月...

國史略卷之三終

漢昭帝始元六年

終

